





全唐詩目 第六函

第十冊

元稹 二十卷 至平八卷

全唐詩

元稹

新政縣

新政縣前逢月夜嘉陵江底看星辰已聞城上三更鼓
不見心中一箇人鬢鬢暗添巴路雪衣裳無復帝鄉塵
曾沾幾許名兼利勞動生涯涉苦辛

南昌灘

渠江明淨峽逶迤船到明灘拽柁遲櫓窺動搖妨作夢
巴童指點笑吟詩畚餘宿麥黃山腹日背殘花白水湄
物色可憐心莫恨此行都是獨行時

見樂天詩

通州到日日平西江館無人虎印泥忽向破簷殘漏處
見君詩在柱心題

夜坐

雨滯更愁南瘴毒月明兼喜北風涼古城樓影橫空館
濕地蟲聲遶暗廊螢火亂飛秋已近星辰早沒夜初長
孩提萬里何時見狼籍家書滿臥牀

聞樂天授江州司馬

殘燈無焰影幢幢此夕聞君謫九江垂死病中驚坐起

一作仍暗風吹雨入寒窗

歲日贈拒非

君思曲水嗟身老我望通州感道窮同入新年兩行淚

白頭翁

一作開

坐說城中

送盧戡

紅樹蟬聲滿夕陽
白頭相送倍相傷
老嗟去日光陰促
病覺今年晝夜長
顧我親情皆遠道
念君兄弟欲他鄉
紅旗滿眼襄州路
此別淚流千萬行

雨聲

風吹竹葉休還動
雨點荷心暗復明
曾向西江船上宿
慣聞寒夜滴蓬聲

奉和滎陽公離筵作

南郡生徒辭絳帳
東山妓樂擁油旌
鈞天排比簫韶待
猶顧人間有別情

嘉陵水 此後並通州詩

古時應是山頭水自古流來江路深若使江流會人意也應知我遠來心

○閬州開元寺壁題樂天詩

憶君無計寫君詩寫盡千行說向誰題在閬州東寺壁幾時知是見君時

憑李忠州寄書樂天

萬里寄書將出峽却憑巫一作水峽寄江州傷心最是江頭

月莫把書將上庠樓

得樂天書

遠信入門先有淚妻驚女哭問何如尋常不省曾如此

應是江州司馬書

寄樂天

無身尚擬魂相就身在那無夢往還直到他生亦相覓

不能空記

一作寄

樹中環

酬知退

一景詩

終須修到無修處聞盡聲聞始不聞莫著妄心銷彼我

我心無我亦無君

西武齋通州

平生欲得山中住天與通州遠郡山睡到日西無一事

月儲三萬買教閑

今日酬樂天書後三韻

今日廬峰霞遶寺昔時鸞殿鳳廻書兩封相去八年後
一種俱云五夜初漸覺此生都是夢不能將淚滴雙魚
相憶淚

西江流水到江州聞道分成九道流我滴兩行相憶淚
遣君一作何處遣人求除非入海無由任縱使逢離未擬
休會向伍員潮上見氣充頑石報心讐

喜李十一景信到

何事相逢翻有淚念君緣我到通州留君剩住君須住
我不自由君自由

與李十一夜飲

寒夜燈前瀨酒壺與君相對興猶孤忠州刺史應閑臥

江水猿聲睡得無

贈李十一

淮水連年起戰塵
油旌三換一何頻
共君前後俱從事
羞見功名與別人

寒食日

今年寒食好風流
此日一家同出游
碧水青山無限思
莫將心道是涪州

一作通州

三兄以白角巾寄遺髮不勝冠因有感歎

病瘴年深渾禿盡
那能勝置角頭巾
暗梳蓬髮羞臨鏡
私戴蓮花恥見人
白髮過於冠色白
銀釘少校領中銀
我身四十猶如此
何況吾兄六十身

別李十一五絕

巴南分與親情別
不料與君牀竝頭
爲我遠來休悵望
折君災難是通州

京城每與閑人別
猶自傷心與白頭
今日別君心更苦
別君緣是在通州

萬里尚能來遠道
一程那忍便分頭
烏籠猿檻君應會
十步向前非我州

來時見我江南岸
今日送君江上頭
別後料添新夢寐
虎驚虵伏一作亂是通州

聞君欲去潛銷骨
一夜暗添新白頭
明朝別後應腸斷
獨權破船歸到州

酬樂天醉別

前回一去五年別，此別又知何日回。
好在樂天休悵望，匹如元不到京來。

酬樂天雨後見憶

雨滑危梁性命愁，差池一步一生休。
黃泉便是通州郡，漸入深泥漸到州。

和樂天過祕閣書省舊廳

聞君西省重徘徊，祕閣書房次第開。
壁記欲題三漏合，吏人驚問十年來。
經排蠹簡憐初校，芸長陳根識舊栽。
司馬見詩心最苦，滿身蚊蚋哭一作笑煙埃。

和樂天贈楊祕書

舊與楊郎在帝城，搜天幹地覓詩情。曾因竝句甘稱小，
不爲論年便喚兄。刮骨直穿由猶在苦鬪，夢腸翻出暫閑行。
因君投贈還相和，老去那能競底名。

和樂天題王家亭子

風吹箭籥飄紅砌，雨打桐花蓋綠莎。都大資人無暇日，
泛池全少買池多。

酬樂天頻夢微之

山水萬重書斷絕，念君憐我夢相聞。我今因病魂顛倒，
唯夢閑人不夢君。

琵琶

學語胡兒撼玉玲，甘州破裏最星星。使君自恨常多事，

不得工夫夜夜聽

春詞

山翠湖光似欲流
蜂聲鳥思却堪愁
西施顏色今何在
但看春風百草頭

全唐詩

元稹

酬樂天春寄微之

鸚心明黠雀幽蒙何事相將盡入籠君避海鯨驚浪裏
我隨巴蟒瘴煙中千山塞路音書絕兩地知春歷日同
一樹梅花數升酒醉尋江岸哭東風

讀日酬樂天舟泊夜讀微之詩

知君暗泊西江岸讀我閑詩欲到明今夜通州還不睡
滿山風雨杜鵑聲

酬樂天武關南見微之題山石榴花詩

比因酬贈為花時不為君行不復知又更幾年還共到

滿牆塵土兩篇詩

酬樂天見寄

三千里外巴蛇穴四十年來司馬官瘡色滿身治不盡
瘡痕刮骨洗應難常人向衰容薄獨訝君將舊眼看
前日詩中高蓋字至今脣舌遍長安

酬樂天得稹所寄紵絲布白輕庸製成衣服以
詩報之

湓城萬里隔巴庸紵薄縑輕共一封腰帶定知今瘦小
衣衫難作遠裁縫唯愁書到炎涼變忽見詩來意緒濃
春草綠茸雲色白想君騎馬好儀容

和樂天尋郭道士不遇

昔常爲僧於
荆州相別

昔年我見杯中渡今日人言鶴上逢兩虎定隨千歲鹿

雙林添作幾株松方瞳應是新燒藥短脚知緣舊施春

為僧時先有脚疾欲請僧繇遠相畫苦愁頗變本形容

酬樂天寄生衣

秋茅處處流痲瘡夜鳥聲聲哭瘴雲羸骨不勝纖細物

欲將文服却還君

酬樂天得微之詩知通州事因成四首

茅簷屋舍竹籬州虎怕偏蹄虵兩頭通州元和二年偏蹄虎害人比之白額兩頭虵處處皆有

也暗蠹有時迷酒影浮塵向日似波流沙含水弩多傷

骨田仰畚刀少用牛知得共君相見否近來魂夢轉悠

悠

御定全唐詩六函元稹二十一

平地才應一頃餘，閣欄都大似巢居。巴人多在山坡架木爲居，自號閣欄頭也。入衙

官吏聲疑鳥下峽，舟船腹似魚市井。無錢論尺丈，田疇

付火罷耘鋤。此中愁殺須甘分，惟惜平生舊著書。本句云努力安

心過三考已曾愁殺李尚書，又子病甚將平主所爲文自題云異日送白二十二郎也。

哭鳥晝飛人少見，俚魂夜嘯虎行多。滿身沙虱無防處，

獨脚山魃不奈何。甘受鬼神侵骨髓，常憂岐路處風波。

南歌未有東西分，敢唱滄浪一字歌。本句云時時三唱濯纓歌。

荒蕪滿院不能鋤，甌有塵埃圃乏蔬。定覺身將囚一種，

未知生共死，何如飢播困尾喪。家狗熱暴枯鱗失水魚，

苦境萬般君莫問，自憐方寸本來虛。

酬樂天聞李尚書拜相以詩見賀

初因彈劾死東川又爲親情弄化權

予爲監察御史劾奏故東川節度使嚴礪籍沒衣冠等八

子餘家由是操權者大怒分司東臺日及神奏宰相視國祿遂貶江陵士曹耳

百口共經三峽水一時重上

兩漫天尚書人用雖旬月司馬銜冤已十年若待更遭

秋瘴後便愁平地有重泉

云景酬樂天歎窮愁見寄

病煎愁緒轉紛紛百里何由說向君老去心情隨日減

遠來書信隔年聞三冬有電連春雨九月無霜盡火雲

併與巴南終歲熱四時誰道各平分

賦因詩酬樂天三月三日見寄

當年此日花前醉今日花前病裏銷獨倚破簾閑悵望

可憐虛度好春朝

元稹二十一 雙峰書畫

酬樂天歎損傷見寄

前途何在轉茫茫，漸老那能不自傷。
病爲怕風多睡月，起因花一作行藥暫扶牀。
函關氣索迷真侶，峽水波翻礙故鄉。
唯有秋來兩行淚，對君新贈遠詩章。

瘴塞

瘴塞巴山哭鳥悲，紅妝少婦斂啼眉。
殷勤奉藥來相勸，云是前年欲病時。

紅荊

庭中栽得紅荊樹，十月花開不待春。
直到孩提盡驚怪，一家同是北來人。

黃草峽聽柔之琴二首

胡笳夜奏塞聲寒。是我鄉音聽漸難。料得小來辛苦學。
又因知向峽中彈。別鶴淒清覺露寒。離聲漸咽命難憐。君伴我涪州宿。
猶有心情徹夜彈。

書劍

渝工劍刃皆歐冶。巴吏書蹤盡子雲。唯我心知有來處。
泊船黃草夜思君。

內狀詩寄楊白二員外

時知制詔

天門暗闢玉瑋鎬。畫送中樞曉禁清。彤管內人書細膩。
金奩御印篆分明。衝街不避將軍令。跋勅兼題宰相名。
南省郎官一作誰待詔。與君將向世間行。

別毅郎

此後三首工部侍郎時詩

爾爺只爲一杯酒此別那知死與生
兒有何辜才七歲亦教兒作瘴江行

愛惜爾爺唯有我我今顛顛望何人
傷心自比籠中鶴剪盡翅一作羽翎愁到身

自責

犀帶金魚束紫袍不能將命報分毫
他時得見牛常侍爲爾君前捧佩刀

送公度之福建

此後並同州刺史時作

棠陰猶在建溪

一作康

磯此去那論是與非若見白頭須盡

敬恐曾江岸識胡威

喜五兄自泗州至

眼中三十年來淚一望南雲一度垂慚媿臨淮李常侍
遠教形影暫相隨

杏花

常年出入右銀臺每怪春光例早回慚媿杏園行在景
同州園裏也先開

第三歲日詠春風憑楊員外寄長安柳

三日春風已有情拂人頭面稍憐輕殷勤爲報長安柳
莫惜枝條動軟聲

贈別楊員外巨源

憶昔西河縣下時青山顛顛宦名卑揄揚陶令緣求酒

結託蕭娘只在詩。朱紫衣裳浮世重。蒼黃歲序長年悲。
白頭後會知何日。一盞煩君不用辭。

寄樂天二首

榮辱升沈影與身。世情誰是舊雷陳。唯應鮑叔猶憐我。
自保曾參不殺人。山入白樓沙苑暮。潮生滄海野塘春。
老逢佳景唯惆悵。兩地各傷何限神。

論才賦命不相干。鳳有文章雉有冠。羸骨欲銷猶被刻。
瘡痕未沒又遭彈。劒頭已折藏須蓋。丁字雖剛屈莫難。
休學州前羅刹石。一生身敵海波瀾。

聽妻彈別鶴操

別鶴聲聲怨夜弦。聞君此奏欲潸然。商瞿五十知無子。

頁付琴書與仲宣。


和王侍即酬廣宣上人觀放榜後相賀

渥注徒自有權奇伯樂書名世始知競走牆前希得備

高縣日下表無私都中紙貴流傳後海外金填姓字時

珍重劉繇因首薦進士李景述以同判解頭及第為君送和碧雲詩

元稹二十一
雙峰書屋



重陸給因首

陸給因首

漁

漁

漁

漁

漁

高湖日不疾

高湖日不疾

湖

湖

湖

湖

湖

重至封唐

重至封唐

唐

唐

唐

唐

唐

味王計

味王計

王

王

王

王

王

庚子琴書與中

庚子琴書與中

中

中

中

中

中

全唐詩

元稹

酬樂天喜鄰郡

此後並越州酬和
並各次用本韻

蹇驢瘦馬塵中伴，紫綬朱衣夢裏身。
符竹偶因成對岸，文章虛被配為鄰。
湖翻白浪常看雪，火照紅妝不待春。
老大那能更爭競，任君投募醉鄉人。

再酬復言和前篇

經過二郡逢賢牧，聚集諸郎宴老身。
清夜漫勞紅燭會，白頭非是翠娥鄰。
曾攜酒伴無端宿，自入朝行便別春。
潦倒微之從不占，未知公議道何人。

莫言贈樂天

元稹二十二
雙峰書屋

莫言鄰境易經過彼此分符欲奈何垂老相逢漸難別
白頭期限各無多未暇公前致問人

重贈樂人商玲瓏能歌歌子數十詩

休遣玲瓏唱我詩我詩多是別一作寄君詞明朝又向江頭
別月落潮平是去時

別後西陵晚眺

晚日未拋詩筆硯夕陽空望郡樓臺與君後會知何日
不似潮頭暮却迴

以州宅夸於樂天

州城廻遶拂雲堆鏡水稽山滿眼來四面常時對屏障
一家終日在樓臺星河似向簷前落鼓角驚從地底迴

我是玉皇香案吏，謫降_{一作}居猶得住蓬萊。

重夸州宅旦暮景色兼酬前篇末句

仙都難畫亦難書，暫合登臨不合居。
繞郭煙嵐新雨後，滿山樓閣上燈初。
人聲曉動千門闢，湖色宵涵萬象虛。
爲問西州羅剎岸，濤頭_{一作}衝突近何如。

酬樂天吟張員外詩見寄因思上京每與樂天

於居敬兄升平里詠張新詩

樂天書內重封到，居敬堂前共讀時。
四友一爲泉路客，三人兩詠浙江詩。
別無遠近皆難見，老減心情自各知。
杯酒與他年少隔，不相酬贈欲何之。

寄樂天

元嶺二十二

閑夜思君坐到明。追尋往事倍傷情。同登科後心相合。
初得官時髻未生。二十年來諳世路。三千里外老江城。
猶應更有前途在。知向人間何處行。

戲贈樂天復言

此後三篇同韻

樂事難逢歲易徂。白頭光景莫令孤。弄濤船更曾觀否。
望市望市樓蘇之勝地也樓還有會無。眼力少將尋案牘。心情且強
擲臯盧。孫園虎寺隨宜看。不必遙遙羨鏡湖。

重酬樂天

紅塵擾擾日西徂。我與雲心兩共孤。暫出已遭千騎擁。
故交求見一人無。百篇書判從饒白。八米詩章未伏盧。
最笑近來黃叔度。自投名刺占陂湖。

再酬復言

繞郭笙歌夜景徂。稽山迴帶月輪孤。休文欲詠心應破。
道子雖來畫得無。顧我小才同培塿。知君險鬪敵都盧。
不然豈有姑蘇郡。擬著陂塘比鏡湖。

郡務稍簡因得整比舊詩并連綴焚削封章繁
委篋笥僅逾百軸偶成自歎因寄樂天

近來章奏小年詩。一種成空盡可悲。書得眼昏朱似碧。
用來心破髮如絲。催身身老緣多事。報主深思在幾時。
天遣兩家無嗣子。欲將文集與它誰。

酬樂天餘思不盡加爲六韻之作

律呂同聲我爾愛身。文章君是一伶倫。衆推賈誼爲才

子帝喜相如作侍臣

樂天先有秦中吟及百節判皆為書肆市賈題其卷云白才子文章又樂天知制誥詞云覽其詞賦喜與

相如並處一時

次韻子言曾報荅

樂天曾寄子千字律詩數首子皆次用本韻酬和後來遂以成風耳

直詞三

道共經綸

樂天與子同應制科並求前輩切直詞策以盡經邦之術其事已具之字詩註中爾

元詩駁雜真難

辨

後輩好偽作子詩傳流諸處自到會稽已有人寫宮詞百篇及雜詩兩卷皆云是子所撰及呼勘驗無一篇是者

白樸流傳用

轉新

樂天於翰林中書取書詔批荅詞等撰為程式禁甲號曰白樸每有新入學士求訪寶重過於六典也

蔡女圖書雖在

口

蔡炎口誦家書四百餘篇

于公門戶豈生塵

樂天常贈子詩云其心如肺石動必達窮民東川八十家冤憤一言申因感無

兒之歎故子自有此句

商瞿未老猶希冀莫把贏金便付人

寄樂天

莫嗟虛老海壖西。天下風光數會稽。靈汜橋前百里鏡。

石帆山嶼五雲溪。冰銷田地蘆錐短。春入枝條柳眼低。

安得故人生羽翼。飛來相伴醉如泥。

酬樂天雪中見寄

知君夜聽風蕭索，曉望林亭雪半糊。
撼落不教封柳眼，掃來偏盡附梅株。
敲扶密竹枝猶亞，煦暖寒禽氣漸蘇。
坐覺湖聲迷遠浪，回驚雲路在長途。
錢塘湖上蘋先合，梳洗樓前粉暗鋪。
石立玉童披鶴氅，臺施瑤席換龍鬚。
滿空飛舞應爲瑞，寡和高歌只自娛。
莫遣擁簾傷思婦，且將盈尺慰農夫。
稱觴彼此情何異，對景東西事有殊。
鏡水遠山山盡白，琉璃雲母世間無。

和樂天早春見寄

兩香雲澹覺微和，誰送春聲入棊歌。
萱近北堂穿土早，柳偏東面受風多。
湖添水色一作消殘雪，江送潮頭湧漫

波同受新年不同賞。無由縮地欲如何。

酬復言長慶四年元日郡齋感懷見寄

臘盡殘銷春又歸。逢新別故欲沾衣。自驚身上添年紀。休繫心中小是非。富貴視來何所遂。聰明鞭得轉無機。

祝富貴鞭聰明皆正且章雅俗法

羞看稚子先拈酒。悵望平生舊採薇。去日

漸加餘日少。賀人雖鬧故人稀。椒花麗句閑重檢。艾髮衰容惜寸輝。苦思正旦酬白雪。閑觀風色動青旂。千官

仗下爐煙裏。東海西頭意獨違。

休繫一作休敲正旦一作正朝

代郡齋神荅樂天

虛白堂神傳好語。二年長伴獨吟時。夜憐星月多離燭。日混波濤一下帷。爲報何人償酒債。引看牆上使君詩。

酬樂天重寄別

却報君侯聽苦辭，
老頭拋我欲何之。
武牢關外雖分手，
不似如今衰白時。

和樂天重題別東樓

山容水態使君知，
樓上從容萬狀移。
日映文章霞細麗，
風驅鱗甲浪參差。
鼓催潮戶凌晨擊，
笛賽婆官徹夜吹。
喚客潛揮遠紅袖，
賣壚高掛小青旗。
賸鋪牀席春眠處，
乍捲簾帷月上時。
光景無因將得去，
爲郎抄在和郎詩。

餘杭周從事以十章見寄，
詞調清婉，難於遍酬。
聊和詩首篇以荅來貺。

擾擾紛紛旦暮間，
經營閑事不曾閑。
多緣老病推辭酒，

御定全唐詩卷之六十四 十冊 魚山書月
少有功夫久羨山清夜笙歌喧四郭黃昏鐘漏下重關
何由得似周從事醉入人家醒始還

寄浙西李大夫四首

柳眼梅心漸欲春白頭西望憶何人金陵太守曾相伴
其蹋銀臺一路塵

藥珠深處少人知網索西臨太液池浴殿曉聞天語後

步廊騎馬笑相隨

網索在太液上學士候對歇于此

禁林同直話交情無夜無曾不到明最憶西樓人靜夜

玉晨鐘磬兩三聲

玉晨觀在紫宸殿後面也

出來鶴化便圖南浙右雖雄我未甘早度西江好歸去

莫拋舟楫滯春潭

初除浙東妻有阻色因以四韻曉之

媵時五月歸巴地今日雙旌上越州與慶首行千命婦

予在中書日妻以郡君朝

太后於與慶宮猥爲班首

會稽旁帶六諸侯海樓翡翠閑相逐

鏡水鴛鴦煖共遊我有主恩羞未報君於此外更何求

爲樂天自勘詩集因思頃年城南醉歸馬上遞

唱豔曲十餘里不絕長慶初俱以制誥侍宿南

郊齋宮夜後偶吟數十篇兩掖諸公泊翰林學

士三十餘人驚起就聽逮至卒吏莫不衆觀羣

公直至侍從行禮之時不復聚寐予與樂天吟

哦竟亦不絕因書於樂天卷後越中冬夜風雨

不覺將曉諸門互啓關鎖郎事成篇

徐定至居言
六四
十冊
雙峰書屋

春野醉吟十里程
齋宮潛詠萬人驚
今宵不寐到明讀
風雨曉聞開鎖聲

題長慶四年歷日尾

殘歷半張餘十四
灰心雪鬢兩悽然
定知新歲御樓後
從此不名長慶年

蘇軾五言詩曰
今日觀

蘇軾五言詩曰
今日觀

全唐詩

元稹

樂府古題序

丁酉

詩訖於周、離騷訖於楚，是後詩之流爲二十四名。賦、頌、銘、贊、文、誄、箴、詩、行、詠、吟、題、怨、歎、章、篇、操、引、謠、謳、歌曲、詞、調，皆詩人六義之餘。而作者之旨，由操而下八名，皆起於郊祭軍賓吉凶苦樂之際。在音聲者，因聲以度詞，審調以節唱，句度短長之數，聲韻平上之差，莫不由之準度。而又別其在琴瑟者爲操，引采民毗者爲謳，謠備曲度者，總得謂之歌。曲詞調，斯皆由樂以定詞，非逸調以配樂也。由詩

而下九名皆屬事而作雖題號不同而悉謂之爲

詩可也後之審樂者往往承取其詞度爲歌曲蓋

選詞以配樂非由樂以定詞也而纂換者由詩而

下十七名盡編爲樂錄樂府等題除饒吹橫吹郊

祀清商等詞在樂志者其餘木蘭仲卿四愁七哀

之輩亦未必盡播於管弦明矣後之文人達樂者

少不復如是配別但遇興紀題往往兼以句讀短

長爲歌詩之異劉補闕之樂府肇於漢魏按仲尼

學文王操伯牙作流波水仙等操齊犢沐作雉朝

飛衛女作思歸引則不於漢魏而後始亦以明矣

況自風雅至於樂流莫非諷興當時之事以貽後

代之人沿襲古題唱和重複於文或有短長於義
于濂咸爲贅賸尚不如寓意古題刺美見事猶有詩人
向詩引古以諷之義焉曹劉沈鮑之徒時得如此亦復
稀少近代唯詩人杜甫悲陳陶哀江頭兵車麗人
韻非等凡所歌行率皆卽事名篇無復倚傍余少時與
吾水友人樂天李公垂輩謂是爲當遂不復擬賦古題
如齊昨梁州見進士劉猛李餘各賦古樂府詩數十首
其中一二十章咸有新意余因選而和之其有雖
用古題全無古義者若出門行不言離別將進酒
特書列女之類是也其或頗同古義全創新詞者
則田家止述軍輪捉捕詞先螻蟻之類是也劉李

二子方將極意於斯文、因為粗明古今歌詩同異之音焉、

夢上天

此後十首
並和劉猛

夢上高高天、高高蒼蒼高不極、下視五嶽塊、纍纍仰天、
依舊蒼蒼色、蹋雲聳身身更上、攀天上天攀未得、西瞻
若水一作木免輪低、東望蟠桃海波黑、日月之光不到此、非
暗非明煙塞塞、天悠地遠身跨風、下無階梯上無力、來
時畏有他人上、截斷龍胡斬鵬翼、茫茫漫漫方自悲、哭
向青雲椎一作搥素臆、哭聲厭咽旁人惡、喚起驚悲淚飄露、
千慙萬謝喚厭人、向使無君終不寤、

冬白紵

一下有
歌字

吳宮夜長宮漏款。簾幕四垂燈燄煖。西施自舞王自管。
雲紵翻翻鶴翎散。聲上促節牽繁舞腰嫩。舞腰嫩。王罷飲。
蓋覆西施鳳花錦。身作匡牀臂爲枕。朝珮樞玉一作王晏
寢。寢一作醒闌報門無事。子胥死後言爲讖。近王之臣諭
王意。共笑越王窮惴惴。夜夜抱冰寒不睡。

將進酒

將進酒。將進酒。酒中有毒酖主父。言之主父傷主母。母
爲妾地。父妾天。仰天俯地不忍言。陽一作爲僵踣主父前。
主父不知加妾鞭。旁人知妾爲主詗。主將淚洗鞭頭血。
推他雷椎一作主母牽下堂。扶妾遣升堂上牀。將進酒。酒中
無毒令主壽。願主廻恩一作歸主母。遣妾如此由一作主父。

御定全唐詩 六 元稹二十三

妾爲此事人偶知自慙不密方自悲主今顛倒安置妾
貪天僭地誰不爲

採珠行

海波無底珠沈海採珠之人判死採萬人判死一得珠
斛量買婢人天存何在年年採珠珠避人今年採珠由海
神海神採珠珠盡死死盡明珠空海水珠爲海物海屬
神神今自採何況人

董逃行

董逃董逃董卓逃措鏗戈甲聲勞嘈剌剌深臍脂酸酸
人皆數一無歎曰爾獨不憶年年取我身上膏膏銷骨盡
煙火死長安城中賊毛起城門四走公卿士走勸劉虞

作天子劉虛不敢一作作天子曹瞞篡亂從此始董逃董

逃人莫喜勝負相環一作相枕倚縫綵難成裁破易何況

曲鍼不能伸巧指欲學裁縫須準擬

憶遠曲

憶遠曲即身不遠即心遠沙隨即飯俱在是即意看沙

那比飯水中書一作字無字痕君心暗畫誰會君況妾事

姑姑進止身去門前同萬里一家盡是即腹心妾似生

來無兩耳妾身何足言聽妾私勸君君今夜夜醉何處

姑來伴妾自閉門嫁夫恨不早養兒將備老妾自嫁即

身骨立老姑爲即求聚妾妾不忍見姑即忍見爲即忍

耐看姑面

夫遠征

趙卒四十萬盡爲坑中鬼趙王未信趙母言猶黥新兵
更填死填死之兵兵氣索秦強趙破括敵起括雖專命
起尚輕何況牽肘之人牽不已坑中之鬼妻在營鬘麻
戴經鵝雁鳴送夫之婦又行哭哭聲送死非送行夫遠
征遠征不必戒長城出門便不知死生

織婦詞

織夫

一作婦

何太忙蠶經三臥行欲老蠶神女聖早成絲今

年絲稅抽徵早早徵非是官人惡去歲官家事戎索征

人戰苦束刀瘡

一作槍

主將勲高換羅幕縑絲織帛猶努力

變緝

一作緝

撩機苦難織東家頭白雙女兒爲解挑紋嫁不

得余掾荆時日擊真綾檐前嫋嫋一作裏裏游絲上上有蜘蛛巧來

往羨他蟲豸解緣天能向虛空織羅網

出家一作田家行

牛吒吒田确确旱塊敲牛蹄趵趵音種得官倉珠顆穀

六十年來兵蕩蕩一作簇月月食糧車轉轉一日官軍收海

服驅牛駕車食牛肉歸來攸一作取得牛兩角重鑄鋤一作鋤犁

作斤劖姑舂婦擔去輸官輸官不足歸賣屋願官早勝

讎早覆農死有兒牛有犢誓一無誓不遣官軍糧不足

俠客行

俠客不怕死怕在事不成事成不肯藏姓名我非竊賊

誰夜行白日堂堂殺袁盜九衢草草人面青此客此心

師海鯨海鯨露背橫滄溟海波分作兩處生分海滅海

力俠客有謀人不識測一作人莫測三尺鐵蛇延二國

君莫非此後九首和李銖

鳥不解走獸不解飛兩不相解那得相譏犬不飲露蟬

不噉肥以蟬易犬蟬死犬飢燕在梁棟鼠在階基各自

窠窟人不能移一作不能改移婦好鍼縷夫讀書詩男翁女嫁卒

不相知懼蕞摘耳效痛頰眉我不非爾爾無一作不我非

田野狐兔行野一作頭

種豆耜鋤種禾溝畊禾苗豆甲狐楮兔剪割鵠餒鷹烹

麟噉犬鷹怕兔毫犬被狐引狐兔相須鷹犬相盡蘇引反日

暗天寒禾稀豆損鷹犬就烹狐兔俱晒

當來曰大難行二無

當來曰大難行前有阪後有城大梁側小梁傾兩軸相
絞兩輪相撐大牛監小牛橫烏啄牛背足跌力憊當來
曰大難行太行雖險險可使平輪軸自撓牽制不停泥
潦漸久荆棘旋生行必不得不如不行

人道短

古道天道長人道短我道天道短人道長天道晝夜廻
轉不曾任春秋冬夏忙顛風暴雨電雷狂晴被陰暗月
奪日光往往星宿日亦堂堂天既職性命道德人自強
堯舜有聖德天不在能遣壽命永昌泥金刻玉與秦如
皇周公傅說何不長宰樞老聃仲尼何事栖遯莽卓恭

元真二十三

顯皆數十年富貴梁冀夫婦車馬煌煌若此顛到事豈
非天道短豈非人道長堯舜留得神聖事百代天子有
典章仲尼留得孝順語千年萬歲父子不敢相滅亡歿
後千餘載唐家天子卦作文宣王老君留得五千字子
孫萬萬稱聖唐諡作元元帝魂魄坐天堂周公周禮二
十三卷有能行者知紙綱傳說命三四紙有能師者
稱祖宗天能天人命人使道無窮若此神聖事誰道人
道短豈非人道長天能種百草猶得十年有氣息薺纔
一日芳人能揀得丁沈蘭蕙料理百和香天解養禽獸
餒虎豹豺狼人解和麩蘖充二禴一作禴祀烝嘗杜鵑無百作
年一作天遣百鳥哺雛不遣哺鳳皇巨蟒壽千歲天遣食牛

吞象充腹腸蚊蠅與變化鬼怪與隱藏蚊蚋與利觜枳
棘與鋒鏑賴得人道有揀別信任天道真茫茫若此撩
亂事豈非天道短賴得人道長

苦樂相倚曲

古來苦樂之相倚近於掌上之十指君心半夜猜恨生

荆棘滿懷天未明漢成

一作皇

眼瞥飛燕時可憐班女恩已

衰未有因由相決絕猶得半年佯暖熱轉將深意諭旁

人緝綴瑕疵遣潛說一朝詔下辭金屋班姬自痛何倉

卒呼天撫

一作俯

地將自明不悟尋時暗

一作已

銷骨白首宮

一作官

人前再拜願將日月相輝

一作揮

解苦樂相尋晝夜間燈光

那有

一作得

天明在主今被奪心應苦妾奪深恩初爲主欲

知妾意恨主時主今爲妾思量取班姬收淚抱妾身我
曾排擯無限人

出門行

兄弟同出門同行不同志悽悽分岐路各各營所爲兄
上荆山巔翻石辨虹氣弟沈滄海底偷珠待龍睡出門
不數年同歸亦同遂俱用私所珍升沈自茲異獻珠龍
王宮值龍覓珠次但喜復得珠不求珠所自酬客雙龍
女授客六龍轡遣充行雨神雨澤隨客意零夏一作鐘鼓
繁崇秋一作秩玉帛積彩色畫廊廟奴僮被珠翠驥騄千萬
雙鴛鴦七十二言者未搖舌無人敢輕議其兄因獻璞
再別不履地門戶親戚疎匡牀妻妾棄銘心有所待視

足無所媿持璞自枕頭淚痕雙血漬一朝龍醒寤本問
偷珠事因知行兩偏妻子五刑備仁兄捧尸哭勢友掉
頭諱喪車黔首葬弔客青蠅至楚有望氣人王前忽長
跪賀王得貴寶不遠王所莅求之果如言剖出浮筠膩
白珩無顏色垂棘有瑕累在楚裂地封入趙連城貴秦
遣李斯書書爲傳國瑞秦亡漢魏傳傳者得神器卞和
名永永與寶不相墜勸爾出門行行難莫行易易得還
易失難同亦難離善賈識貪廉良田無稂穉磨劍莫磨
錐磨錐成小利

捉捕歌

捉捕復捉捕莫捉狐與兔
兔藏窟穴豺狼妨道路

路非不妨最憂螻蟻聚豺狼不陷穿螻蟻潛幽蠹切切
主人窗主人輕細故延緣蝕櫺櫺漸入棟梁柱梁棟盡
空虛攻穿痕不露主人坦然意晝夜安寢寤網羅布參
差鷹犬走回互盡力窮窟穴無心自還顧客來歌捉捕
歌竟淚如雨豈是惜狐兔畏君先後誤願君埽梁棟莫
遣螻蟻附次及清道塗盡滅豺狼步主人堂上坐行客
門前度然後巡野田徧張畋獵具外無臭獍援內有熊
羆驅狡兔掘荒榛妖狐熏古墓用力不足多得禽自無
數畏君聽未詳聽客有明喻蟣蝨誰不輕鯨鯢誰不惡
在海尚幽遐在懷交穢污歌此勸主人主人那不悟不

悟還更歌

作

誰能恐違忤

古築城曲五解

年年塞下丁長作出塞兵自從冒頓強官築遮虜城

築城須努力城高遮得賊但恐賊路多有城遮不得

丁口傳父言莫問城堅不音平城被虜圍漢斷城牆走

因茲請休和虜往騎來過半疑兼半信築城猶嗟峨

築城安敢煩願聽丁一言請築鴻臚寺兼愁虜出關

估客樂

估客無住著者有利身則一作行出門求火伴入戶辭父

兄父兄相教示求利莫求名一作求名有一作莫所避求利無不

營火伴相勒縛賣假莫賣誠交關但一作交假本生上得

失輕一作交假本生自茲相將去誓死意不更亦一作解市頭語便

無鄰里情 銚石打臂 釧糯米吹項 瓔歸來 郵中賣 敲作

金石聲 郵中田舍娘 貴賤不敢爭 所費百錢一作必本已得

十倍贏 顏色轉光淨 飲食亦甘馨 子本頻蕃息 貨販一作賒

日兼并 求珠駕滄海 採玉上荆衡 北買党項馬 西擒吐

蕃鸚 炎洲布火浣 蜀地錦織成 越婢脂肉滑 奚僮眉眼

明通算 衣食費不計 遠近程經遊一作營天下徧 却到長安

城城中 東西市聞客 次第迎迎客 兼說客多財 為勢傾

客心本明 黠聞語心已驚 先問十常侍 次求百公卿 侯

家與主第 黠綴無不精 歸來始安坐 富與王者一作家勅市

卒酒一作醉肉臭縣 習家舍成豈 唯絕言語 奔走極使令 大

兒販材木 巧識梁棟形 小兒販鹽鹵 不入州縣征 一身

偃市利突若截海鯨鉤距不敢下下則牙齒橫生爲估
客樂判爾樂一生爾又生兩子錢刀何歲平

全唐詩

元稹

連昌宮詞

連昌宮中滿宮竹歲久無人森似一作束又有牆頭千葉

桃風動落花紅蔌蔌宮邊老翁為余泣一作束少年進食曾因

一作小年選入一作進因曾入上皇正在望仙樓太真同凭闌干立樓上樓

前盡珠翠炫轉熒煌照天地歸來如夢復如癡何暇備

言宮裏事初過寒食一百六店舍無煙宮樹綠夜半月

高弦索鳴賀老琵琶定一作壇場屋力士傳呼覓念奴念奴

潛伴諸郎宿須臾覓得又連催特敕街中許然燭春嬌

滿眼睡一作眠紅綃掠削雲鬟旋裝束飛上九天歌一聲二

十五郎吹管逐逡巡大徧涼州徹色色龜茲轟錄續李

暮摩笛傍宮牆偷得新翻數般曲念奴天寶中名倡善歌每歲樓下酬宴累日之後萬眾皆臨歲

安之韋黃裳輩關易不能琴眾樂為之罷奏明皇遣高力士大呼於樓上曰欲遣念奴唱歌邪二十五郎吹小管遂看人能聽否未嘗不悄然奉詔其為當時所重

也如此然而明皇不欲奪俠遊之盛未嘗置在宮禁或歲幸湯泉時巡東洛有司潛遣從行而已又明皇嘗於上陽宮夜後按新翻一曲屬明父正月十五日潛遊

燈下忽聞酒樓上有笛奏前夕新曲大駭之明日密遣捕捉笛者詰驗之自云其父竊於天津橋玩月聞宮中度曲遂於橋柱上插譜記之臣即長安少年善笛者

不謬也明皇異而遣之平明大駕發行宮萬人歌舞塗路一作中百官隊

仗避岐薛岐王範薛王業明皇之弟楊氏諸姨貴妃三姨帝呼為姨封韓號秦國三夫人車鬪風明年

十月東都破天寶十三年祿山破洛陽御路猶一作存祿山過驅令供頓不

敢藏萬姓無聲一作淚潛墮兩京定後六七年却尋家舍

行宮前莊園燒盡有枯井行宮門閉一作樹宛然爾後相

傳六皇帝肅代德順憲穆不到離宮門久閉往來年少說長安元

武樓成一作花萼廢去年敕使因一作去年斫竹偶值門開暫

相逐荆榛一作文窗窈窕一作猶綠塵埋粉壁舊花鈕一作鳥啄烏啄

臺尚存一作文窗窈窕一作猶綠塵埋粉壁舊花鈕一作鳥啄烏啄

風箏碎珠玉上皇偏愛臨砌花依然御榻臨階斜蛇出

燕巢盤鬪棋菌生香案正當衙寢殿相連端正樓太真

梳洗樓上頭一作動晨光未出簾影黑一作動至今反挂珊瑚鉤指

似一作向傍人因慟哭一作宮門淚相續一作動自從此後還閉

門夜夜狐狸上門屋我聞此語心骨悲太平誰致亂者

誰翁言野父何分別耳聞眼見為君說姚崇宋璟作相

公勸諫上皇言語切燮理陰陽禾黍豐調和中外無兵

戎長官清平太守好揀選皆言由相一作公開元之末姚

宋死朝廷漸漸由妃子祿山宮裏養作一作爲兒號國門前
開如市弄權宰相不記名依稀憶得一作憶得依稀楊與李廟謨
謀顛倒四海搖五十年來作瘡痛今皇神聖丞相明詔
書纔下吳蜀平官軍又取淮西賊此賊亦除天下寧年
年耕種宮前道今年不遣子孫耕老翁此意深望幸努
力廟謀在休用兵

望雲騅馬歌 并序

德宗皇帝以八馬幸蜀七馬道斃唯望雲騅來往
不頓貞元中老死天廐臣稹作歌以記之

憶昔先皇幸蜀時八馬入谷七馬疲肉綻筋攣四蹄脫
七馬死盡無馬騎天子蒙塵天雨泣巉崑道路淋漓濕

崢嶸白草眇難期
諗洞黃泉安可入

白草諗洞並雒谷中地名古諺云諗洞入黃泉

朱

泚圍兵拙未盡懷
光冠騎追行及

興元元年二月李懷光反

嬪娥相顧倚

樹啼鸛鷺無聲仰天立
圍人初進望雲騅
彩色顛頽衆

馬欺上前噴吼如有意
耳尖卓立節踈奇
君王試遣迴

胸臆撮骨鋸牙駢
兩肋蹄懸四踠

一作距

腦一作經顛方勝聳

三山尾株

一作扶

直圍人畏誚仍相惑
此馬無良空有力
頻

頻嚙掣轡難施
往往跳趨鞍

一作騎

不得色沮聲悲
仰天訴

天不遣言君未識
亞身受取白玉羈

一作鞍

開口銜將紫金

勒君王自此方敢騎
似遇良臣久悽惻
龍騰魚鼈倅然

驚

一作威震驚

驥盼

一作盼

驢騾少顏色
七聖心迷運方厄
五丁力

盡路猶窄橐它

一作駝

山上斧刃堆望秦嶺
下錐頭石五六

百里真符縣八十四盤青山驛掣開流電有輝光突過

浮雲無朕跡地平險一作險盡施黃屋九九屬車十二燾齊

映前導引騅頭嚴震迎號抱騅足路傍垂白天寶民望

騅禮拜見騅哭皆言一作云元宗當時無此馬不免騎騾來

幸蜀雄雄猛將李令公收城殺賊豺狼空天旋地轉日

再中天子却坐明光宮朝廷無事忘征戰校獵朝迴暮

毡宴御馬齊登擬用槽廣中號乘輿之馬曰擬用槽君王自試宣徽殿圍

人還進望雲騅性強步濶無方便分駿擺杖一作袂頭太高

擘肘迴頭一作顛項難轉人人共惡難迴跂潛遣飛龍滅芻

秣銀一作金鞍繡韉不復施空盡一作反天年御槽活當時鄒一作邠

諺已有言一作云莫倚功高能浪開濶登山縱似望雲騅平

地須饒紅叱撥長安三月花垂草果下翩翩紫驕好干
官煖熱李令閉百馬生獐望雲老望雲騅爾之種類世
世奇當時項王乘爾祖分配英豪一作雄稱霸王爾身今日
逢聖人從幸巴渝歸入秦功成事遂身退天之道何必
隨羣逐隊到死蹋紅塵望雲騅用與不用各有時爾勿
悲

和李校書新題樂府十二首

并序

余友李公垂貺余樂府新題二十首雅有所謂不
虛爲文。余取其病時之尤急者列而和之。蓋十二
而已。昔三代之盛也。士議而庶人諫。又曰。世理則
詞直。世息則詞隱。余遭理世而君盛聖。故直其詞。

以示後使夫後之人謂今日為不忌之時焉

上陽白髮人

天寶年中花鳥使

天寶中密號采取
豔異者為花鳥使

撩花狎鳥含春思滿懷

墨詔求嬪御走上高樓半酣醉醉酣直入卿士家閨闈

不得偷迴避良人顧妾一作望心死別小女呼爺血垂淚十

中有一得

一作得頂

更衣永

一作九

配深宮作宮婢御馬南苑胡

馬蹙宮女三千台宮棄宮門一閉不復開上陽花草青

苔地月夜閑聞洛水聲秋池暗度風荷氣日日長看提

衆一作家

門終身不見門前事近年又送數人來自言興慶

南宮至我悲此曲將徹骨更想深窻復酸鼻此輩賤嬪

何足言帝子天孫古稱貴諸王在閣四十年七宅六宮

白六和

門戶闕隋煬枝條襲却邑近古封前代子孫為二庄三恪肅宗血允無官位

肅宗後諸王並未出閣王無妃媵主無壻一作夫陽亢陰淫結災累何如決

壅順衆流女遣從夫男作吏一作夫是難泉

華原磬

李傳云天寶中始廢泗濱磬用華原石

泗濱浮石裁為磬古樂疎音少人聽工師少賤牙曠稀

不辨邪聲嫌雅正正聲不屈古調高鍾律參差管絃病

鏗金憂瑟徒相雜投玉敲冰杳然零一作震華原輒石易追

琢高下隨人無雅鄭棄舊美新由樂晉自此黃鍾不能

競元宗愛樂愛新樂梨園弟子承恩橫霓裳纔徹胡騎

來雲門未得蒙親定我藏古磬藏在心有時激作南風

詠伯夔會撫野獸馴仲尼暫叩一作和春雷盛何時得向筓

篋懸為君一吼君心醒願君每聽念封疆不遣豺狼勦人命

五弦彈

趙壁五弦彈徵調徵聲巉絕何清峭辭一作雄皓鶴警露啼失子哀猿繞林嘯風入春松正凌亂鶯舍曉舌憐嬌妙鳴鳴指溜咽冰泉殺殺霜乃澀寒鞘促節頻催漸繁撥珠幢斗絕金錦掉千鞞鳴鏑胡弓萬片清球擊虞廟眾樂雖同第一部德宗皇帝常偏召旬休節假暫歸來一聲狂殺長安少主第侯家最難見按歌按曲一作按歌按曲皆承諾水精簾外教貴嬪瑋瑋筵心伴中要臣有五賢非此弦或在拘囚或屠釣一賢得進勝累百兩賢得進

同周召三賢事漢滅暴彊四賢鎮岳寧邊徼五賢並用
調五常五常既叙三光耀趙璧五弦非此賢九九何勞
設庭燎

西涼伎

吾聞昔日西涼州人煙撲地桑柘稠蒲萄酒熟恣行樂
紅豔青旗朱粉樓樓下當壚稱卓女樓頭伴客名莫愁
鄉人不識離別苦更卒多爲沈滯遊哥舒開府設高宴
八珍九醞當前頭前頭百戲競捺亂九劍跳躑霜雪浮
獅子搖光毛彩豎胡騰姬醉舞筋骨柔大宛來獻赤汗
馬贊普亦奉翠茸裘一朝燕賊亂中國河湟沒一作忽盡空
遺邱開遠門前萬里堠今來蹙到行原州

平時開遠門外立堠云去安西九千九百

白日作

里以示戎人不為萬異行其就盈故矣去京五百而近何其逼天子縣內半沒為
荒陬西涼之迥爾阻脩連城邊將但高會每聽此曲能
不羞

法曲

吾聞黃帝鼓清角，堯用咸池鳳巢閣大夏，漢祖過沛亦有歌。秦王破陣非無作，作之軍旅傳糟粕。明皇度曲多新態，宛轉侵淫搖一作易沈。
亂夷音未得相參錯，自從胡騎起煙塵。毛毳腥羶滿咸
洛女為胡婦，學胡妝伎進胡音。務胡樂，洛音火鳳聲沈多。

白月

咽絕春鶯囀罷長蕭索胡音胡騎與胡妝五十年來競
紛泊

馴犀

李傳云貞元丙子歲南海來貢至十三年冬苦寒死於苑中

建中之初放馴象遠歸林邑近交廣獸返深山鳥構巢
鷹鵬鷓鴣無羈鞅貞元之歲貢馴犀上林置圈官司養
玉盆金棧非不珍虎啖狴牢魚食網渡江之橘踰汶貉
反時易性安能長臘月北風霜雪深蹉跎鱗身遂長往
行地無疆費傳驛通天異物罹幽枉乃知養獸如養人
不必人人自敦獎不擾則得之於理不奪有以多於賞
脫衣推食衣食之不若男耕女令紡堯民不自知有堯
但見安閑聊擊壤前觀馴象後馴犀理國其如指諸

在觀

掌

立部伎

李傳云太常選坐部伎無性識者退入立部伎又選立部伎無性識者退入雅樂部則雅樂可知矣李君作歌

以諷焉

胡部新聲錦筵坐中庭漢振高音播太宗廟樂傳子孫

取類羣兇陣初破戢戢攢槍霜雪耀騰騰擊鼓雲風雷

磨初疑遇敵身啓行終象由文士憲左昔日高宗常立

聽曲終然後臨玉座如今節將一掉頭電卷風收盡摧

挫宋晉鄭女歌聲發滿堂會客齊喧歌作和珊珊珮玉動

腰身一一貫珠隨咳唾頃向園丘見郊祀亦曾正旦親

朝賀太常雅樂備宮懸九奏未終百寮惰滯難令季

札辨遲廻但恐文侯臥工師盡取聾昧人豈是先王作

之過宋沈嘗傳天寶季法曲胡音忽相秘明年十月燕

寇來九廟千門虜塵沈

太常丞宋沈傳漢中王舊說云明皇時雅好度曲然而未嘗從蕃漢雜奏天寶十三載如詔道

調法內與胡部新聲合作

我聞此語歎復泣古來邪正將誰奈奸

聲入耳佞入心侏儒飽飯夷齊餓

驃國樂李傳云貞元已歲始來獻

驃之樂器頭象駝音聲不合十二和促舞跳趨筋節硬

繁辭變亂名字訛干彈萬唱皆咽咽左旋右轉空嗒嗒

俯地呼天終不會曲成調變當如何德宗深意在柔遠

笙鏞不御停嬌

作娥史館書為朝貢傳太常編入鞞鞞

科古時陶堯作天子遜遁親聽康衢歌又遣適人持木

鐸徧采謳謠天下過萬人有意皆洞達四岳不敢施煩

元真二十四

苟盡令區中擊壤塊燕及海外覃恩波秦霸周衰古官
廢下堙上塞王道頗共矜異俗同聲教不念齊民方薦
瘡傳稱魚鼈亦咸若苟能效此誠足多借如牛馬未蒙
澤豈在抱囊滋龍鼉教化從來有源委必將涿海先涿
河是非倒置自古有驃守驃今誰爾誦

胡旋女 李傳云天寶中西國來獻

天寶欲末胡欲亂胡人獻女能胡旋旋得明王不覺迷
妖胡奄到長生殿胡旋之義世莫知胡旋之容我能傳
蓬斷霜根羊角疾竿戴朱盤火輪炫驪珠迸珥逐飛龍作
星虹降音暈輕巾制流電潛鯨暗喻笳發謝反海波海一作回風亂
舞當空霰萬過其誰辨終始四座安能分背面才人觀

者相為言承奉君恩在國變是非好惡隨君乃南北東
西逐君眇柔輒依身著一作看佩帶裘回繞指同環釧佞臣
聞此心計回熒惑一作感亂君心君眼眩君言似曲屈為如鉤
君言好直舒為箭功隨清影觸處行妙一作好學春鶯百啭
轉傾天側地用君力仰塞周遮恐君見翠華南幸萬里
橋元宗始悟坤維轉韓書曰世世一行官奏明皇曰陛下幸萬里聖社無
疆故天寶中歲幸洛陽莫充盛數及上幸蜀至萬里
橋乃歎謂左右日寄言旋即與旋心有國有家當共譴
一行之奏其是乎

蠻子朝

李傳云貞元末蜀川始通蠻國

西南六詔有遺種僻在荒陬路尋壅部落支離君長賤
比諸夷狄為幽冗大戎疆盛頻侵削降有憤心戰無勇
夜防抄盜保深山朝望煙塵上高豕鳥道繩橋來款附

非因慕化因危一作爲悚清平官繫一作擊金呿嗟求天叩地持

雙琪一作琪益州大將韋令公頃實遭時定汧隴自居劇鎖

無他績幸得蠻來固恩寵爲蠻開道引蠻朝迎一作接蠻送

蠻常繼踵天子臨軒四方賀朝廷無事唯端拱漏天走

馬春兩寒瀘水飛蛇瘴煙重椎頭醜類除憂患瘡足役

夫勞洵勇匈奴互市歲不供雲蠻通好轡長駮戎王養

馬漸多年南人耗額西人恐

縛戎人近制西邊每擒蕃囚例皆傳置南方不加勦戮故李君作歌以諷焉

邊頭大將差健卒入抄禽生怯於鶻但逢頰面即捉來

半是邊人半戎鞬大將論功重多級捷書飛奏何超忽

聖朝不殺諧至仁遠送炎方示微一作懲罰萬里虛勞肉食

費連頭盡被氈裘暍。華裯重席臥腥臊。病犬愁鴉聲咽
嗚。中有一人能漢語。自言家本長城。一作安窟少一作年隨父
戍安西。河渭瓜沙眼看沒。天寶未亂猶一作前數載。狼星四
角光蓬勃。中原禍作邊防危。果有豺狼四來伐。蕃馬騰
成正翹健。蕃兵肉飽爭唐突。煙塵亂起無亭燧。主帥驚
跳棄旄鉞。半夜城摧鵝雁鳴。妻啼子叫曾不歇。陰森神
廟未敢依。脆薄河冰安可越。荆棘深處共潛身。前因蒺
藜後艱確。平明蕃騎四面走。古墓深林盡株橛。少壯爲
俘頭被髮。老翁留居足多別。烏鳶滿野尸狼藉。樓榭成
灰牆突兀。暗水濺濺入舊池。平沙漫漫鋪明月。戎王遣
將來安慰。口不敢言心咄咄。供進腋腋御此般。豈料穹

廬棟肥腩五六十年消息絕中間盟會又猖獗眼穿東

日望堯雲腸斷正朝梳漢髮延州鎮李如暹蓬子將軍之子也嘗沒西番及歸言云巷俗惟正歲一日許唐人

沒蕃者服衣冠如暹當此日悲不自勝遂與蕃妻密定歸計近年如此思漢者半為老病半埋

骨常一作向教孫子學鄉音猶話平時好城闕老者儻盡少

者壯生長蕃中似蕃悖不知祖父皆漢民便恐為蕃心

矻矻緣邊飽餒十萬衆何不齊驅一時發年年但捉兩

三人精衛銜蘆塞溟渤

陰山道李傳云元和二年有詔悉以金銀贖回紇馬價

年年買馬陰山道馬死陰山帛空耗元和天子念女工

內出金銀代酬犒臣有一言昧死進死生甘分荅恩燾

費財為馬不獨生耗帛傷工有他盜臣聞平時七十萬

匹馬關中不省聞嘶噪。四十八監選龍媒。時貢天庭付
良造。如今坳野十無一。盡在飛龍相踐暴。萬束芻芟供
旦莫。千鍾菽粟長牽漕。屯軍郡國百餘鎮。縑紵歲奉春
冬勞。稅戶逋逃例攤配。官司折納仍貪冒。挑紋變緝力
倍費。棄舊從新人所好。越縠繅綾織一端。十匹素縑功
未到。豪家富賈踰常制。令族清作親班無雅操。從騎愛奴
絲布衫。臂鷹小兒雲錦韜。羣臣利已要差僭。天子深衷
空憫悼。綽立花塼鴈鳳行。雨露恩波幾時報。

全唐詩

元稹

有鳥二十章 唐寅

有鳥有鳥名老鴟，鴟鴞張貪很老不衰。似鷹指爪唯攫肉，
戾天羽翮徒翰飛。朝偷暮竊恣昏飽，後顧前瞻高樹枝。
珠加彈射死不去，意在護巢兼護兒。

有鳥有鳥毛似鶴，行步雖遲性靈惡。主人但見閑慢容，
許占蓬萊最高閣。弱羽長憂俊鶻拳，疽腸暗著一作把鴟雛。
噉千年不死件，靈龜臬心鶴貌何人覺。

有鳥有鳥如鸛雀，食蛇抱磬天姿惡。行經水滸為毒流，
羽拂酒杯為死藥。漢后忍渴天豈知，驪姬墳地君寧覺。

嗚呼爲有白色毛亦得乘軒謬稱鶴

有鳥有鳥名爲鳩毛衣輒毳心性柔鶻緣暖足憐不喫

鷓爲同科會共游飛飛漸上高高閣百鳥不猜稱好逑

佳人許伴鴛雛食望爾化爲張氏鉤

有鳥有鳥名野雞天姿耿介行步齊主人偏養憐整頓

玉粟充腸瑤樹栖池塘潛狎不鳴雁津梁暗引無用鷓

秋鷹迸逐霜鶻遠鵬鳥護巢當晝啼主人頗問遣妖術

力盡計窮音響悽當時何不早量分莫遣輝光深照泥

有鳥有鳥羣翠碧毛羽短長心竝窄皆會偷食淥池魚

前去後來更逼迫食魚滿腹各自飛池上見人長似客

飛飛競占嘉樹林百鳥不爭緣鳳惜

有鳥有鳥羣紙鷲因風假勢童子牽去地漸高人眼
世人爲爾羽毛全風吹繩斷童子走餘勢尚存猶在天
愁爾一朝還到地落在深泥誰復憐

有鳥有鳥名啄木木中求食常不足偏啄鄧林求一蟲
蟲孔未穿長觜秃木皮已穴蟲在心蟲蝕木心根根覆
可憐樹上百鳥兒有時飛向新林宿

有鳥有鳥衆蝙蝠長伴佳人占華屋妖鼠多年羽翮生
不辨雌雄無本族穿墉伺隙善潛身晝伏宵飛惡明
大厦雖存柱石傾暗齧棟梁成蠹木

有鳥有鳥名爲號深藏孔穴難動搖鷹鷂繞樹探不得
隨珠彈盡聲轉嬌主人煩惑罷摘取許占神林爲物妖

當時幸有燎原火，何不鼓風連夜燒。

有鳥有鳥名燕子，口中未省無泥滓。春風吹送廊廡間，

秋社驅將嶺孔裏。雷驚雨灑一時蘇，雲一作雪壓霜摧半年

死。驅去驅來長信風，誓託棟梁何用喜。

有鳥有鳥名老烏，貪癡突諄天下無。田中攫肉吞不足，

偏入諸巢探衆雛。歸來仍占主人樹，腹飽巢高聲響轟。

山鷓野鵲閑受肉，鳳皇不得聞罪辜。秋鷹掣斷架上索，

利爪一揮毛血落。可憐鷓鵲慕腥羶，猶向巢邊競紛泊。

有鳥有鳥謂白鷗，雪毛皓白紅觜殷。貴人妾婦愛光彩，

行提坐臂怡朱顏。妖姬謝寵辭金屋，雕籠又伴新人宿。

無心為主擬銜花，空長白毛映紅肉。

有鳥有鳥羣雀兒中庭啄粟籬上飛秋鷹欺小嫌不食
鳳皇容衆從爾隨大鵬忽起遮白日餘風簸蕩山岳移
翻翻百萬徒驚噪扶搖勢遠何由知古來妄說銜花報
縱解銜花何所爲可惜官倉無限粟伯夷餓死黃口鳥作
肥

有鳥有鳥皆百舌舌端百囀聲咄嗟先春盡學百鳥啼
真偽不分聽者悅伶倫鳳律亂宮商盤木天雞誤時節
朝朝暮暮主人耳桃李無言管弦咽五月炎光朱火盛
陽燄燒陰幽響絕安知不是卷舌星化作剛刀一時截
有鳥有鳥毛羽黃雄者爲鴛雌者爲鴛主人并養七十二
羅列雕籠開洞房雄鳴一聲雌鼓翼夜不得栖朝不食

氣息榻然雙翅垂猶入籠中就顏色

有鳥有鳥名鷓鴣鈴子眼睛蒼錦襦貴人腕軟憐身骨
奮肺一揮前後呼俊鷓無由拳狡兔金雕不得擒魅狐
文王長在苑中獵何日非熊休賣屠

有鳥有鳥名鸚鵡養在雕籠解人語主人會問私所聞

因說妖姬暗欺主主人方惑翻見疑趁歸隴底雙翅垂

山鷓野雀怪鸚語競噪爭窺無已時君不見隋朝隴頭

嬌嬌養雙鸚囑新婦一鸚會說婦無儀悍婦殺鸚欺主

母一鸚閉口不復言母問不言何太久鸚言悍婦殺鸚

由母爲逐之鄉里醜當時主母信作爾言顧爾微禽命

何有今之主人翻爾疑何事籠中漫開口

有鳥有鳥名俊，鶻鷁一作雞。小鷗癡俊無匹，雛鴨拂爪血迸。

天狡兔中拳頭粉骨，平明度海朝未食。拔一作挾上秋空雲

影沒，瞥然飛下人不知。攪碎荒城魅狐窟。

有鳥有鳥真白鶴，飛上九霄雲漠漠。司晨守夜悲雞犬

啄腐吞腥笑鵬鷃，堯年值雪度關山。晉室聞琴下寥廓

遼東盡爾千歲人，悵望橋邊舊城郭。

有酒十章

有酒有酒雞初鳴，夜長睡足神慮清。悄然危坐心不平

浩思一氣初彭亨，頌洞浩汗真無名。胡不終渾成胡爲

沈濁以升清，轟然分畫高下程。天蒸地鬱羣動萌，毛鱗

鯀介如鬣鬣，嗚呼萬物紛已生。我可柰何兮杯一傾。

有酒有酒東方明一杯既進吞元精尚思天地之始名
一元既二分濁清地居方直天體明胡不入荒圻圻如
砥平胡山高屹崿海泓澄胡不日車杲杲晝夜行胡爲
月輪滅鼓星暉耶嗚呼不得真宰情我可柰何兮杯再
傾
有酒有酒兮湛淥波飲將愉兮氣彌和念萬古之紛羅
我獨慨然而浩歌歌曰天耶地耶肇萬物耶儲胥大庭
之君耶悅耶忽耶有耶傳而信耶久而謬耶文字生而
義農作耶仁義別而聖賢出耶炎始暴耶蚩尤熾耶軒
轅戰耶不得已耶仁耶聖耶愍人之毒耶天蕩蕩耶堯
穆穆耶豈其讓耶歸有德耶舜其貪耶德能嗣耶豈其

讓耶授有功耶禹功大耶人戴之耶益不逮耶啓能德
耶家天下耶榮後嗣耶於後嗣之榮則可耶於天下之
榮其可耶嗚呼送堯舜之日耶何棄舜之速耶辛癸虐
耶湯武革耶順天意耶公天下耶踵夏榮嗣私其公耶
竝建萬國均其私耶專征遞代鬪海內耶秦掃其類威
定之耶二代而隕守不仁耶漢魏而降乘其機耶短長
理亂繫其術耶堯耶舜耶終不可逮耶將德之者不位
位者不逮其德耶時耶時耶時其可耶我可柰何兮一
杯又進歌且歌

有酒有酒兮黯兮溟仰天大呼兮天漫漫兮高兮青高
兮漫兮吾孰知天否與靈取人之仰者無乃在乎昭昭

乎曰與夫日星何三光之並照兮奄雲雨之冥冥幽妖
倏忽兮水怪族形鼉鼉岸走兮海若鬪鯨河潰潰兮愈
濁濟翻翻兮不寧蛇螭雲而出穴虎嘯風兮屢鳴汗高
巢而鳳去兮溷厚地而芝蘭以之不生葵心傾兮何向
松影直而孰明人懼愁兮戴榮天寂默兮無聲嗚呼天
在雲之上兮人在雲之下兮又安能決雲而上征嗚呼
既上征之不可兮我柰何兮杯復傾
有酒有酒香滿尊君寧不飲開君顏豈不知君飲此心
悞君今獨醒誰與言君寧不見颶風翻海火燎原巨鼇
唐突高飀延精衛銜蘆塞海溢枯魚噴沫救池燔筋疲
力竭波更大鱗焦甲裂身已乾有翼勸爾升九天有鱗

勸爾登龍門。九天下視日月轉。龍門上激雷雨奔。螭虺
雖怒誰爾懼。鵙且雖啼誰爾憐。搏空意遠風來壯。我可
柰何兮。一杯又進消我煩。

有酒有酒歌且哀。江春例早多早梅。櫻桃桃李相續開。
間以木蘭之秀香。裴回東風吹盡南風來。鶯聲漸澀花
摧墮。四月清和豔殘卉。芍藥翻紅蒲映水。夏龍痛毒雷
雨多。蒲葉離披豔紅死。紅豔猶存榴樹花。紫苞欲綻高
筍牙。筍牙成竹冒霜雪。榴花落地還銷歇。萬古盈虧相
逐行。君看夜夜當窗月。榮落虧盈可柰何。生成未徧霜
霰過。霜霰過兮復無柰何。靈芝夔絕荆棘多。荆棘多兮
可柰何。可柰何兮終柰何。秦皇堯舜俱腐骨。我可柰何

兮又進一杯歌復歌

有酒有酒方爛漫。飲酣拔劍心眼亂。聲若雷。碎目流電。醉舞翻環身眩轉。乾綱倒軋坤維旋。白日橫空星宿見。一夫心醉萬物變。何況蚩尤之蹴踘。安得不以熊羆戰。嗚呼風后力牧得親見。我可柰何兮。又進一杯除健羨。有酒有酒兮。告臨江。風漫漫兮波長。渺渺兮注海。海蒼蒼兮路茫茫。彼萬流之混入兮。又安能分若畎澮。淮河與夫岷吳之巨江。味作鹹而若一。雖甘淡兮。誰謂爾爲良。濟涓涓而縷貫。將柰何兮。萬里之渾黃。鯨歸穴兮。渤澥鼇載山兮。低昂陰火然兮。衆族沸潯。颶風作兮。晝夜猖狂。顧千珍與萬怪兮。皆委潤而深藏。信天地之瀦蓄。

兮我可柰何兮一杯又進兮包大荒
有酒有酒兮日將落餘光委照在林薄陽烏撩亂兮屋
上栖陰怪跳趨兮水中躍月爭光兮星又斂燒橫空兮
燄仍燦我可柰何兮時既昏一杯又進兮聊處廓
有酒有酒兮再祝祝予心兮何欲欲天泰而地寧欲人
康而歲熟欲鳳翥而鸞隨兮欲龍亨而驥逐欲日盛而
星微兮欲滋蘭而殲毒欲人欲而天從苟天未從兮我
可柰何兮一杯又進聊自足

華之巫

景戌

有一人兮神之側廟森森兮神默默兮默默兮可柰何
願一見神兮何可得女巫索我何所有神之開閉予之

手我能進若神之前神不自言寄予口爾欲見神安爾
身買我神錢沽我酒我家又有神之盤爾進此盤神爾
安此盤不進行路難陸有摧車舟有瀾我聞此語長太
息豈有神明欺正直爾居大道誰南北恣矯神言假神
力假神力兮神未悟行道之人不得度我欲見神誅爾
巫豈是因巫假神祐爾巫爾獨不聞乎與其媚於
奧不若媚於鬻使我傾心事爾巫吾寧驅車守吾道爾
巫爾巫且相保吾心自有此之禱

廟之神

我馬煩兮釋我車神之廟兮山之阿予一拜而一祝祝
予心之無涯涕沆瀾而零落神寂默而無譁神兮神兮

索神之寂默而不言何復再拜而再祝鼓吾腹兮歌吾
歌歌曰今耶古耶有耶無耶福不自神耶神不福人耶
巫爾惑耶稔而誅耶謁不得耶終不可謁耶返吾駕而
遵吾道廟之木兮山之花

全唐詩

元稹

村花晚

庚寅

三春已暮桃李傷棠梨花白蔓菁黃村中女兒爭摘將
插刺頭鬢相誇張田翁蠶老迷臭香曬暴敬敬熏衣裳
非無後秀與孤芳奈爾千株萬頃之茫茫天公此意何
可量長教爾輩時節長

紫躑躅

紫躑躅滅紫權君倚山腹文君新寡乍歸來羞怨春風
不能哭我從相識便相憐但是花叢不迴目去年風別
湘水頭今年夏見青山曲青山驛名迢迢遠在青山上山高水

濶難容足願爲朝日早相瞰願作輕風暗相觸爾躑躅
我向通州爾幽獨可憐今夜宿青山何年卻向青山宿
山花漸暗月漸明月照空山滿山綠山空月午夜無人
何處知我顏如玉

山枇杷

山枇杷花似牡丹般潑血往年乘傳過青山正值山花
好時節壓枝疑豔已全開映葉香苞纔半裂緊搏在紅
袖欲支頤慢解絳囊初破結金線叢飄繁葉亂珊瑚在聚
重纖莖折因風旋落翬片飛帶日斜看自精熟亞水依
巖半傾側籠雲隱霧多愁絕綠珠語盡身欲投漢武眼
穿神漸滅穠姿秀色人皆愛怨媚羞容我偏別說向閑

人人不聽曾向樂天時一說昨來谷口先相問及到山
前已消歇左降通州十日遲又與幽花一年別山枇杷
爾託深山何太拙天高萬里看不精帝在九重聲不徹
園中杏樹良人醉陌上柳枝年少折因爾幽芳喻昔賢
磻谿冷坐權門咽

樹上烏

癸卯

樹上烏洲中有樹巢若鋪百巢一樹知幾鳥一鳥不下
三四雛雛又生雛知幾雛老鳥未死雛已烏散向人間
何處無攫麀啄卵方可食男女羣強最多力靈蛇萬古
唯一珠豈可抔彈千萬億吾不會天教爾輩多子孫告
訴天公天不言

琵琶歌

寄管兒兼誨鐵山
此後並新題樂府

琵琶宮調八十一旋宮三調彈不出元宗偏許賀懷智
段師此藝還相匹自後流傳指撥衰哀岷嶠善才徒爾
爲頌聲少得似雷吼纏去聲弦不敢彈羊皮人間奇事會
相續但有卞和無有玉段師弟子數十人李家管兒稱
上足管兒不作供奉兒拋在東都雙鬢絲逢人便請送
杯盞著盡工夫人不知李家兄弟皆愛酒我是酒徒爲
密友著作曾邀連夜宿中碾春一作清溪華新綠平明船載
管兒行盡日聽彈無限曲曲名無限知者鮮霓裳羽衣
偏宛轉涼州大徧最豪嘈六么散序多籠撚我聞此曲
深賞奇賞著奇處驚管兒管兒爲我雙淚垂自彈此曲

長自一作長悲淚垂捍撥朱弦濕冰泉鳴咽流鶯澀因茲彈

作雨霖鈴風雨蕭條鬼神泣一彈既罷又一彈珠幢夜

靜風珊珊低回慢弄關山思坐對燕然秋月寒月寒一

聲深殿磬驟彈曲破音繁併百萬金鈴旋去聲玉盤醉客

滿船皆暫醒自茲聽後六七年管兒在洛我朝天游想

慈恩杏園裏夢寐仁風花樹前去年御史留東臺公私

蹙促顏不開今春制獄正撩亂晝夜推囚心似灰暫輟

歸時尋著作著作南園花坂萼騰脂耀眼桃正紅雪片

滿溪梅已落是夕青春值三五花枝向月雲含吐著作

施罇命管兒管兒久別今方覩管兒還爲彈六么六么

依舊聲迢迢猿鳴雪岫來三峽鶴唳晴空聞九霄逡巡

彈得六么徹霜刀破竹無殘節幽關鴟軋胡雁悲斷弦
碧駢層冰裂我爲含悽歎奇絕許作長歌始終說藝奇
思寡塵事多許來寒暑又經過如今左降在閒處始爲
管兒歌此歌歌此歌奇管兒管兒管兒憂爾衰爾衰之
後繼者誰繼之無乃在鐵山鐵山已近曹穆間善性靈才姓
甚好功猶淺急處未得臻幽閒努力鐵山勤學取莫遣
後來無所祖

小胡笳引

桂府王雅官山蜀匠雷氏金徽琴請姜宣彈

雷氏金徽琴王君寶重輕千金三峽流中將得來明窗
拂席幽匣開朱弦宛轉盤鳳足驟擊數聲風雨迴哀笳
慢指董家本姜生得之妙思付泛徽胡雁咽蕭蕭繞指

輓轡圓衮袞吞恨絨情乍輕激故國關山心歷歷潺湲
疑是雁鷓鴣砮騶如聞發鳴鏑流宮變徵漸幽咽別鶴
欲飛猿欲絕秋霜滿樹葉辭風寒雛墜地烏啼血哀弦
已罷春恨長恨長何恨懷我鄉我鄉安在長城窟聞君
虜奏心飄忽何時窄袖短貂裘臙脂山下彎明月

去杭州

送王師範

房杜王魏之子孫雖及百代爲清門駿骨鳳毛真可貴

岡頭澤底何足論

近世不以動賢之曹爲合族而以高盧澤李爲甲門

去年江上識君面愛

君風貌情已敦與君言語見君性靈府坦蕩消塵煩自
茲心洽跡亦洽居常竝榻游竝軒柳陰覆岸鄭監水李
花壓樹韋公園每出新詩共聯綴閑因醉舞相牽援時

尋沙尾楓林夕夜摘蘭叢衣露繁今君別我欲何去自
言遠結迢迢婚簡書五府已再至波濤萬里酬一言爲
君再拜贈君語願君靜聽君勿嗤君名師範欲何範君
之烈祖遺範存永寧昔在掄鑒表沙汰沈濁澄浚源君
今取友由取士得不別白清與渾昔公事主盡忠謹雖
及死諫誓不諉今君佐藩如佐主得不陳露謝所恩昔
公爲善日不足假寐待旦朝至尊今君三十朝未與得
不寸晷倍瓊璫昔公令子尚貴主公執舅禮婦執笄返
拜之儀自此絕關雎之化皎不昏君今遠娉奉明祀得
不齊勵親蘋蘩斯言皆爲書佩帶然後別被乃可捫別
袂可捫不可解解袂開帆悽別魂魂搖江樹鳥飛沒帆

挂檣竿鳥尾翻。翻風駕浪拍何處。直指杭州由上元。上元蕭寺基址在。杭州潮水霜雪屯。潮戶迎潮擊潮鼓。潮平潮退有潮痕。得得爲題羅刹石。古來非獨伍員寃。

南家桃

南家桃樹深紅色。日照露光看不得。樹小花狂風易吹。一夜風吹滿牆北。離人自有經時別。眼前落花心歎息。更待明年花滿枝。一年迢遞空相憶。

志堅師

嵩山老僧披破衲。七十八年三十臘。靈武朝天遼海征。宇宙曾行三四匝。初因怏怏薙却頭。便繞嵩山寂師塢。淮西未近半年前。已見淮西陣雲合。

西朱答子蒙

報盧君門外雪紛紛紛紛門外雪城中鼓聲絕強梁御
史人觀步安得夜開沽酒戶

辛夷花

問韓
員外

問君辛夷花君言已斑駁不畏辛夷不爛開顧我筋骸
官束縛縛遣推囚名御史狼藉囚徒滿田地明日不推
緣國忌依前不得花前醉韓員外家好辛夷開時乞取
三兩枝折枝爲贈君莫惜縱君不折風亦吹

廳前柏

廳前柏知君曾對羅希奭我本癡狂耽酒人何事與君
爲對敵爲對敵洛陽城中花赤白花赤白囚漸多花之

赤白柰爾何

夜別筵

夜長酒闌燈花長燈花落地復落牀似我別淚三四行
滴君滿坐之衣裳與君別後淚痕在年年著衣心莫改

三泉驛

三泉驛內逢上巳新葉趨塵花落地勸君滿盞君莫辭
別後無人共君醉洛陽城中無限人貴人自貴貧自貧

何滿子歌

張湖田唐有熊
作有熊一作有熊

何滿能歌能宛轉天寶年中世稱罕嬰刑繫在囹圄間
水調哀音歌憤懣梨園弟子奏元宗一唱承恩羈網緩
便將何滿為曲名御譜親題樂府纂魚家入內本領絕

葉氏有年聲氣短自外徒煩記得詞點拍纔成已夸誕
我來湖外拜君侯正值灰飛仲春瑄廣宴江亭爲我開
紅妝逼坐花枝暖此時有態蹋華筵未吐芳詞貌夷坦
翠蛾轉盼插雀釵碧袖歌垂翻鶴卵定面凝眸一聲發
雲停塵下何勞算迢迢擊磬速玲玲一一貫珠勻款款
犯羽含商移調態留清度意拋弦管湘如寶瑟水上來
秦女玉蕭空外滿纏絲疊破最慙慙整頓衣裳頗一作事閒
散冰含遠溜咽還通鶯泥晚花啼漸嬾斂黛吞聲若自
免鄭袖見捐西子浣陰山鳴雁曉斷行巫峽哀猿夜呼
伴古者諸侯饗外賓鹿鳴三奏陳圭瓚何如有態一曲
終牙籌記合紅螺盃一作盞

通州丁溪館夜別李景信三首

月濛濛兮山掩掩東東別魂眉斂斂
蠶殘覆時天欲明
碧幌青燈風灑灑淚消語盡還暫眠
唯夢千山萬山險
水環環兮山簇簇啼鳥聲聲婦人哭
離牀別臉睡還開
燈池暗飄珠簌簌山深虎橫館無門
夜集巴兒扣空木
兩瀟瀟兮鶻咽咽傾冠倒枕燈臨滅
倦僮呼喚鷹復眠
啼雞拍翅三聲絕握手相看其柰何
柰何其柰天明別

酬鄭從事四年九月宴望海亭次用舊韻

海亭樹木何龍蔥寒光透坼秋玲瓏
湖山四面爭氣色

曠望不與人間同一拳
瓊伏東武小

龜山別名

兩山鬪構秦望

雄

兩峰爲秦望望秦二山

缺空古墓失文種

墓在州城西山上經湖水到山迎棺樁入海今所存古穴耳

突兀

怪石疑防風舟船駢比此必反有宗侶水雲滂泱無始終雪

花布徧稻隴白日脚插入秋波紅興餘望劇酒四坐歌

聲舞豔煙霞中酒酣從事歌送我歌云此樂難再逢良

時年少猶健羨使君況是頭白翁我聞此曲深歎息唧

唧不異秋草蟲憶年十五學構厦有意蓋覆天下窮安

知四十虛富貴朱紫束縛心志空妝梳伎女上樓榭止

欲歡樂微茫躬雖無趣尚慕賢聖幸有心目知西東欲

將滑甘柔臧府已被鬱噎衝喉嚨君今勸我酒太醉醉

語不復能沖融勸君莫學虛富貴不是賢人難變通本

富貴不是

賢大通

此歌下與餘必限年費計三首

全唐詩

元稹

夢遊春七十韻

昔歲一作君夢遊春。夢遊何所遇。夢入深洞中。果遂平生趣。

清泠淺漫流。一作後畫舫蘭篙渡。過盡萬柳桃盤旋。竹林路

長廊抱小樓。門牖相同互。樓下雜花叢。叢邊繞鴛鴦。池

光漾霞影。一作彩曉日初明照。未敢上階行。頻移曲池步。烏

龍不作聲。碧玉會相慕。漸到簾幕間。裴回意猶懼。閑窺

東西閤。奇玩參差布。隔子碧油糊。駝鉤紫金鍍。逡巡日

漸高。影響人將寤。鸚鵡饑亂鳴。嬌娃睡猶怒。簾開侍兒

起。見我遙相諭。鋪設繡紅茵。施張鈿妝具。潛褰翡翠帷。

元稹二十七

瞥見珊瑚樹不辨見一作花貌人空驚香若霧身回夜合偏

態斂晨霞聚睡臉桃破風汗妝蓮委露叢梳百葉髻金

蹙重臺履紕軟鉶頭帶玲瓏台歡袴鮮如脂粉薄聞簪

衣裳故最似紅牡丹雨來春欲暮夢魂良易驚靈境難

久寓夜夜望天河無由重沿泝結念心所期返如禪頓

悟覺來八九年不向花迴顧雜合一作洽兩京春喧闐衆禽

護我到看花時但作懷仙句浮生轉經歷道性尤堅固

近作夢仙詩亦知勞肺腑一夢何足云良時事一作自婚聚

當年二紀初嘉節三星度朝薺玉佩迎高松女蘿附韋

門正全盛出入多歡裕甲第漲清池鳴騶引朱轂廣榭

舞菱狂長筵賓雜厝青春詎幾日華實潛幽盡秋月照

灑助空山懷謝傳紅樓嗟壤壁金谷迷荒戍石壓破闌
干門摧舊桂桓雖云覺夢殊同是終難駐悵緒竟何如
焚絲不成絢卓如白頭吟阿嬌金屋賦重壁盛如臺青
冢明如墓盡委窮塵骨皆隨流波注幸有古如今何勞
縑比素況余當盛時早歲諧如務詔冊冠賢良諫垣陳
好惡三十再登朝一登還一仆龍榮非不早遭迴亦云
屢直氣在膏盲氛氲日沈痼不言意不悵悵意言多悵
忤誠人所賦性亦天之付乍可沈爲香不能浮作瓠誠
爲堅所守未爲明明措事事身已經營營計何說美玉
琢文珪良金填武庫徒謂自堅貞安知受礪鑄長絲羈
野馬密網羅陰兔物外各迢迢誰能遠柑錮時來既若

飛禍速當如鴛。曩意自未精。此行何所訴。努力去江陵。
笑言誰與晤。江花縱可憐。柰非心所慕。石竹遲妖點。蔓
青誇畝數。一種薄地生。淺深何足如。荷葉水上生。團團
水中住。瀉水置葉中。君看不相污。

桐花落

莎草徧桐陰。桐花滿莎落。蓋覆相團圓。可憐無厚薄。昔
歲幽院中。深堂下簾幕。同在後門前。因論花好惡。君誇
沈檀樣。云是指搗作。暗澹滅紫花。句連蹙金萼。都繡六
七枝。鬪成雙孔雀。尾上稠疊花。又將金解絡。我愛看不
出。君煩睡先著。我作繡桐詩。繫君裙帶著。別來苦修道。
此意都蕭索。今日竟相牽。思量偶然錯。

夢昔時

閉窗結幽夢。此夢誰人知。夜半初得處。天明臨去時。山
川已久隔。雲雨兩無期。何事來相感。又成新別離。

恨妝成

曉日穿隙明。開帷理妝點。傅粉貴重重。施朱憐冉冉。柔
鬟背額垂。叢鬢隨釵斂。疑翠暈蛾眉。輕紅拂花臉。滿頭
行小梳。當面施圓靨。最恨落花時。妝成獨披掩。

古決絕詞

乍可爲天上牽牛。卷去星不願爲庭前。絳樓枝七月七
日。一相見。相見。故心終不移。那能執開暮飛去。一任東
西南北。喚分不兩相守。恨不兩相思。對面且如此。背面

當可知

一作何如

春風撩亂伯勞語況是此時拋去時

一本無况是二字

手苦相問竟不言後期君情既決絕妾意已

一作亦

參差借

如死生別安得長若悲

噫春冰之將泮何予懷之獨結有美一人於焉曠絕一

日不見比一日於三年況三年之曠別水得風兮小而

日波着在苞孕高不見筋矧桃李之當春競衆人而

攀折我自顧悠悠而若雲又安能保君體體作體之如雪

感破鏡之分明睹淚痕之餘血幸他人之既不我先又

安能使他人之終不我奪已焉哉織女別黃姑一年一

度暫相見彼此隔河何事無

夜夜相抱眠幽懷尚沈結那堪一年事長遣一宵說但

感久相思何暇暫相悅
虹橋薄夜成龍駕
侵晨列生憎

野鶴性一作鶻遲遲死恨天
雞識時飽曙色漸曠曠一作曉華星

欲一作火明滅一去又一年
一年何可一作時徹有此迢遞期不

如死生別天公隔一作可是妒相憐
何不便教相決絕

櫻桃花

櫻桃花 一枝兩枝千萬朵
花堪會立摘花人
窄破羅裙

紅似火

曹十九舞綠鈿

急管清弄頻舞衣纔攬
純含情獨擗手雙袖
參差列驪

裏柳牽絲炫轉風回雪
凝眄嬌不移在在度繁節

閨晚

紅裙委博階。玉爪撈朱橋。素臆光如砥。明瞳豔凝溢。調
弦不成曲。學書徒弄筆。夜色侵洞房。春煙透簾出。

曉將別

風露曉淒淒。月下西牆西。行人帳中起。思婦枕前啼。眉
眉命僮御。晨裝儼已齊。將去復攜手。日高方解攜。

薔薇架

清水驛

五色階前架。一張籠上被。殷紅稠疊花。半綠鮮明地。風
蔓羅裙帶。露英蓮臉淚。多逢走馬郎。可惜簾邊思。

月暗

第六句
缺四字

月暗燈殘面。牆泣羅纓斗。重知啼濕真。珠簾斷蝙蝠。飛
燕子。巢空螢火入。深殿門重夜。漏嚴柔。
年急

君王掌上容一人更有輕身何處立

新秋

日暮已淒涼離人遠思忙夏衣臨曉薄秋影入檐長前
事風隨扇歸心燕在梁殷勤寄牛女河漢正相望

贈雙文

豔極翻含怨熊作憐多轉自嬌有時還暫自作笑閑坐愛更在
無慘曉月行看墜春酥見欲消何因肯垂手不敢望回

腰舞曲二名

春別

幽芳本未闌君去蕙花殘河漢秋期遠關山世路難雲
屏留粉架風幌引香蘭腸斷迴文錦春深獨自看

和樂天示楊瓊

我在江陵少年日。知有楊瓊初喫出。腰身瘦小歌圓緊。
依約年應十六七。去年十月過蘇州。瓊來拜問郎不識。
青衫玉貌何處去。安得紅旗遮頭白。我語楊瓊瓊莫語。
汝雖笑我我笑汝。汝汝今無復小腰身。不似江陵時好女。
楊瓊為我歌送酒。爾憶江陵縣中否。江陵王令骨為灰。
車來嫁作尚書婦。盧戡及第嚴澗在其餘。死者十八九。
我今賀爾亦自多。爾得老成余一作亦白首。
楊瓊本名播少為江陵酒妓去年始蘇過瓊敘

舊及今見樂天此篇
因走筆追書此曲

魚中素

重疊魚中素。幽緘手自開。斜紅餘淚蹟。知著臉邊來。

代九九

昔年桃李月顏色共花宜。迴臉蓮初破，低蛾柳並垂。望
山多倚樹，弄水愛臨池。遠被登樓識，潛因到影窺。隔林
徒想像，上砌轉逶迤。謾擲庭中果，虛攀牆外枝。強持文
玉佩，來結麝香縑。阿母憐金重，親兄要馬騎。把將嬌小
女，嫁與冶遊兒。自隱勤勤索，相要事事隨。每常同坐臥，
不省暫參差。纔學羞兼妬，何言寵便移。青春來易皎，白
日誓先虧。僻性嗔來見，邪行醉後知。別牀鋪枕席，當面
指瑕疵。妾貌應猶在，君情遽若斯。的成終世恨，焉用此
宵爲。鸞鏡燈前撲，鴛衾手下墮。參商半夜起，琴瑟一聲
離。努力新叢豔，狂風次第吹。

盧十九子蒙吟盧七員外洛川懷古六韻命余

和

聞道盧明府閉行詠洛神浪圓疑麝笑波鬪憶肩曠蹀
變橋頭馬空濛水上塵草芽猶犯雪冰岸欲消春寓目
終無自通儻未有因子蒙將此曲吟似獨眠人

劉阮妻一作二首

仙洞千年一度開等閑偷入又偷迴桃花飛盡東風起
何處消沈去不來
芙蓉脂肉綠雲鬟畫樓臺青黛山千樹桃花萬年藥
不知何事憶人間

桃花

桃花淺深處，似勻深淺妝。春風助腸斷，吹落白衣裳。

莫秋

看著牆西日，又沈步廊迴。合戟門深，栖鳥滿樹聲聲絕。
小玉上牀鋪夜衾。

壓牆花

野性大都迷里巷，愛將高樹記人家。春來偏認平陽宅，
爲見牆頭拂面花。

舞腰

尋裙旋旋手迢迢，不趁音聲自趁嬌。未必諸郎知曲誤，
一時偷眼爲迴腰。

白衣裳二首

雨濕輕塵隔院香。玉人初著白衣裳。半含惆悵閑看繡。
一朵梨花壓象牀。
藕絲衫子柳花裙。空著沈香慢火熏。閑倚屏風笑周昉。
枉拋心力畫朝雲。

憶事

夜深閑到戟門邊。却繞行廊又獨眠。明月滿庭池水淺。
桐花垂在翠簾前。

寄舊詩與薛濤因成長句

詩篇調態人皆有。細膩風光我獨知。月夜詠花憐暗澹。
兩朝題柳爲敲垂。長教碧玉藏深處。總向紅牋寫自隨。
老大不能收拾得。與君閑似好男兒。

友封體

雨送浮涼夏簟清
小樓腰褱怕單輕
微風暗度香囊轉
朧月斜穿隔子明
樺燭餘高黃耳吠
柳堤風靜紫駟聲
頻頻聞動中門鎖
桃葉知嗔未敢迎

看花

努力少年求好官
好花須是少年看
看看老大逢花樹
未折一枝心已闌

斑竹得之
湘流

一枝斑竹渡湘沅
萬里行人感別魂
知是娥皇廟前物
遠隨風雨送啼痕

箏

莫愁私地愛王昌。夜夜箏聲怨隔牆。火鳳有凰求不得。
春鶯無伴嚙空長。急揮舞破催飛燕。慢逐歌詞弄小娘。
死恨相如新索婦。枉將心力爲他狂。

春曉

半欲天明半未明。醉聞花氣睡聞鶯。娃兒撼起鐘聲動。
二十年前曉寺情。

所思二首

一作劉禹錫詩
題作有所嗟

庾亮樓中初見時。武昌春柳似腰肢。相逢相失還如夢。
爲雨爲雲今不知。

鄂渚濛濛煙雨微。女郎魂逐暮雲歸。只應長在漢陽渡。
化作鴛鴦一隻飛。

鶯鶯詩一作離思詩之首篇

殷紅淺碧舊衣裳。取次梳頭澹妝夜。合帶煙籠曉日。牡丹經雨泣。殘陽低述隱。一作依稀似笑原非笑。散漫清。一作彷彿聞香不似。一作是香頻動橫波。嗔阿母。一作嬌不語等閑教見小兒郎。

離思五首一本并前首作六首

自愛殘妝曉鏡中。環釵謾篸綠絲。一作雲叢須臾日射燕脂。頰。一朵紅蘇旋欲。一作玉融。

山泉散漫繞階流。萬樹桃花映小樓。閑讀道書慵未起。水晶簾下看梳頭。

紅羅著壓逐時新。吉了。一作李花紗嫩麴塵。第一莫嫌林地。弱些些。絀縵最宜人。

曾經滄海難爲水，除却巫山不是雲。
取次花叢嬾迴顧，半緣修道半緣君。

尋常百種花齊發，偏摘梨花與白人。
今日江頭兩三樹，可憐和枝葉度殘春。

雜憶五首

今年寒食月無光，夜色纔侵已上牀。
憶得雙文通內裏，

玉櫳深處暗聞香。

花籠微月竹籠煙，百尺丈絲繩拂地懸。
憶得雙文人靜

後，潛教桃葉送鞦韆。

寒輕夜淺繞回廊，不辨花叢暗辨香。
憶得雙文牖月下，

小樓前後捉迷藏。

山榴似火葉相兼。亞拂墀階。一作低牆半拂檐。憶得雙文獨披

掩滿頭花草倚新簾。

春冰消盡碧波湖。漾影殘霞。似有無憶得雙文衫子薄

一作裏鈿頭雲映褪紅酥。一作蘇

有所教

莫畫長眉畫短睂。斜紅傷豎莫傷垂。人人總解爭時勢

都大須看各自宜。

襄陽爲盧竇紀事

帝下真符召玉真。偶逢遊女暫相親。素書三卷留爲贈

從向人間說向人。

風弄花枝月照階。醉和春睡倚香懷。依稀似覺雙環動

潛被蕭郎卸玉釵

鶯聲撩亂曙燈殘。暗覓金釵動曉寒。猶帶春醪嬾相送。

櫻桃花下隔簾看。

琉璃波面月籠煙。暫逐蕭郎走上天。今日歸時最腸斷。

回江還是夜來船。

花枝臨水復臨堤。閑照江流一作清江亦照泥。千萬春風好擡

舉。夜來曾有鳳皇栖。

此首一作馬戴詩題作襄陽席上呈于司空

會真詩三十韻

微月透簾櫳。螢光度碧空。遙天初縹緲。低樹漸蔥蘢。龍

吹過庭竹。鸞歌拂井桐。羅綺垂薄霧。環佩響輕風。絳節

隨金母。雲心捧玉童。更深人悄悄。晨會雨濛濛。珠瑩光

文履花明隱繡櫺寶釵行彩鳳羅幙掩丹虹言自瑤華

浦將朝碧帝宮因遊李洛作城北偶向宋家東戲調初微

拒柔情已暗通低鬟蟬影動迴步玉塵蒙轉面流花雪

登牀抱綺叢鴛鴦交頸舞翡翠合歡籠眉黛羞頻聚朱

脣暖更融氣清蘭藥馥膚潤玉肌豐無力慵移腕多嬌

愛斂躬汗光珠點點髮亂綠鬆鬆方喜千年會俄聞五

夜窮留連時有限繾綣意難終慢臉含愁態芳詞誓素

衷贈環明運合留結表心同啼粉流清鏡殘燈繞暗蟲

華光猶冉冉旭日漸瞳瞳警乘一作乘鷺還歸洛吹簫亦上一作止

嵩衣香猶染麝枕膩尚殘紅幕幕臨塘草飄飄思渚一作緒

蓬素琴鳴怨鶴清漢望歸鴻海闊誠難度天高不易沖

行雲無處所，蕭史在樓中。

古豔詩二首一作春詞

春來頻到宋家東，垂袖開懷待好風。鶯藏柳閣無人語，

惟有牆花滿樹紅。

深院無人草樹光，嬌鶯不語趁陰藏。等閑弄水淨花

片，流出門前賺阮郎。

全唐詩

元稹

奉和浙西大夫李德裕述夢四十韻大夫本題

言贈於夢中詩賦以寄一二僚友故今所和者

亦止述翰苑舊游而已次本韻第十七句缺一字

聞有池塘什還因夢寐遭攀禾工類蔡詠豆敏過曹莊

蝶元言祕羅禽藻思高本篇稱六句皆夢中作三聯亦多徵故事也戈矛排筆陣貌

虎讓文韜綵績鸞凰頸權奇驥駮髦神樞千里應華袞

一言褒李廣留飛箭王祥得佩刀傳乘司隸馬繼染翰

林毫辨穎超脫詞鋒豈足橐金剛錐透玉鎖鐵劍吹

毛自戈矛而下皆述大夫刀筆贈盛友藻秀麗翰苑謨猷綸詰復貶功多名將人許三公世總臺綱充學士等矣顧我曾陪附思

君正鬱陶近酬新樂錄仍寄續離騷近蒙大夫寄簫篋歌酬和才畢此篇續至阿

閣偏隨鳳大夫與積偏多同直方壺共跨鼉借騎銀杏葉學士初入例借飛龍馬橫

賜錦垂荀解已具本篇冰井分珍果金瓶貯御醪獨辭珠有戒

廉取玉非叨麥紙侵紅點書詔皆用麥紋紙蘭燈燄碧高麻制例皆通宵勘寫

代予言不易承聖旨偏勞積與大夫相代為翰林承旨繞月同棲鵲驚風

比夜契吏傳開鎖契學士院密通銀臺每旦常聞門使勘契開鎖聲甚煩多神撼引鈴條院有

懸鈴以備夜直警急文書出入皆引之以代傳呼每用兵鈴輒有聲如人引聲耗緩急具如之曾莫之差渥澤深難報危心過

自操犯顏誠懇懇騰口懼忉忉佩寵雖縞綬安貧尚葛

袍賓親多謝絕延薦必英豪自隔閣而下皆言隨同在翰林日居處深秘與頻繁奉職勤勞畏慎周密等事也

分阻杯盤會閒隨寺觀邀學士無過從聚會之例大夫與稱時時期於寺觀間行而已矣祇園一

林杏恩慈仙洞萬株桃元都澥海滄波滅昆明劫火熬未陪

登鶴駕已計墮烏號痛淚過江浪冤聲出海濤尚看恩

詔濕已夢壽宮牢

本篇言此兩句是夢中作故言夢字

再造承天寶新持濟巨

篙猶憐弊簪履重委舊旌旄

渤海已下皆言舉感先恩捧荷新澤等事

北望心彌

苦西回首屢搔九霄難就日兩浙僅容舸暮竹寒窗影

衰楊古郡濠魚鰕集橘市鶴鶴起亭臯

越州宅窗戶間畫見城郭

朽刃休

衝斗謂良弓枉在彀

論

早彎摧虎兇便鑄墜蓬蒿漁艇

宜孤棹樓船稱萬艘量材分用處終不學滔滔

自述

一作王建官詞

延英引對碧衣郎江硯宣毫各別牀天子下簾親考試

宮人手裏過茶湯

春分投簡陽明洞天作

中分春一半今日半春徂老惜光陰甚慵率興緒孤偶
成投祕簡聊得泛平湖郡邑移仙界山川展畫圖旌旗
遮嶼浦士女滿闐闐似木吳兒勁如花越女妹牛儂驚
力直蠶妾笑睚眦怪我攜章甫嘲人託鷓鴣閭閻隨地
勝風俗與華殊跣足沿流婦丫頭避役奴雕題雖少有
雞卜尚多巫剝味尤珍蛤家神愛事烏舟船通海嶠田
種繞城隔櫛比千艘合袞袞萬頃鋪夾茶園小市漁父
隔深蘆日脚斜穿浪雲根遠曳蒲凝風花氣度新雨草
芽蘇粉壞梅辭萼紅含杏綴珠薜餘秧漸長燒後葑猶
枯綠緜高懸柳青錢密辨榆馴鷗眠淺瀨驚雉避平蕪
水靜王餘見山空謝豹呼燕狂捎蛟蝶螟挂集蒲盧淺

碧鶴新翔深黃鵝嫩雛
柳扉以白板寺壁耀顏
糊禹廟纔離郭陳莊恰
半途石帆何峭嶮龍瑞
本縈紆穴爲探符圻潭
因失箭劄隄形彎戩斗
峰勢踴香盧幢蓋迎三
洞煙霞貯一壺桃枝燔
復直桑樹亞還扶龍解
稱從事松堪作大夫榮
光飄殿閣虛籟合笙竽
庭狎仙翁鹿池游縣合
鳧君心除健羨扣寂入
虛無岡蹋翻星紀章飛
動帝樞東皇提白日北
斗下元都騎吏鬚皆紫
科車憶盡朱地侯鞭社
伯海若跨天吳霧噴雷
公怒煙揚竈鬼趨投壺
憐玉女喫飯笑麻姑果
實經千歲衣裳重六銖
瓊杯傳素液金匕進雕
胡掌裏承來露杯中釣
得鱸菌生悲局捉柯爛
覺須臾穉米休言聖醢
雞益伏愚鼓鼙

催暝色簪組縛微軀遂別真徒侶還來世路衢題詩歎
城郭揮手謝妻孥幸有桃源近全家肯去無

春遊

酒戶年年減山行漸漸難欲終心懶慢轉恐興闌散鏡
水波猶冷藉峰雪尚殘不能辜物色乍可怯春寒遠目
傷千里新年思萬端無人知此意閑凭小欄干

除夜酬樂天

引雛緩旃亂瓦瓦戲罷人歸思不堪虛漲火塵龜浦北
無由阿傘鳳城南休官期限元同約除夜情懷老共諳
莫道明朝始添歲今年春在歲前三

酬樂天初冬早寒見寄

乍起衣猶冷微吟帽半欹
霜凝南屋瓦雞唱後園枝
洛水碧雲曉吳宮黃葉時
兩傳千里意書札不如詩

酬白樂天杏花園

劉郎不用閑惆悵且作花間共醉人
算得一作屈指貞元舊朝士
幾人存員同見太和春

過東都別樂天二首

樂天在洛太和中種拜左丞自越過洛以二詩別樂天未幾死於鄂樂天哭之

日始以詩交終以詩訣茲筆相絕其今日于見紀事

君應怪我留連久我欲與君辭別難
白頭徒侶漸稀少
明日恐君無此歡

自識君來三度別這回白盡老鬢
戀君不去君須會
知得後迴相見無

逢白公

遠路事無限相逢唯一言
月色照榮辱長安千萬門

酬白太傅

太空秋色涼獨鳥下微陽
三徑池塘靜六街車馬忙
漸能高酒戶始是入詩狂
官冷且無事追陪慎莫忘

和巖給事聞唐昌觀玉藥花下有遊仙

一作玉藥院
真人降見唐

人絕句

弄玉潛過玉樹叢不教青鳥出花枝
的應未有諸人覺
只是巖郎不得知

贈毛仙翁

并序

余廉問浙東歲毛仙翁惠然來顧越之人士識之

者相與言曰、仙翁嘗與葉法善、吳筠遊於稽山、迨茲多歷年所、而風貌愈少、蓋神仙者也、余因得執弟子之禮、師其道焉、余嘗見圓冠方領之士、讀道書、疑其絕智棄仁、又謂其書不足以經世理國、殊不知至仁無兼愛、大智無非哉、大樂同天地之和、大禮同天地之節、其可臻乎上德、冥乎大道之致、華胥終北之化、熙熙然也、又以徐市文成之事、謂方士之流、誕妄於世、不足以爲教也、殊不知峒山高臥汾水、凝神縱心、傲世邈然、外物王侯不可得、師友也、若然則徐氏之莠、不足以害嘉穀、文成之誕、不足以傷大教、今我仙翁真風遺骨、元格高情、

冥鴻孤鶴不可方喻蓋峒山汾水之儔也一言道
合止于山亭三日而南棲天台謂余曰入相之年
相候于安山里余拜而言曰果如仙約燃香拂榻
以俟雲駕焉抒詩一章以爲他日之志也
仙駕初從蓬海來相逢又說向天宮一言親授希微訣
三夕同傾沉澆杯此日臨風飄羽衛他年嘉約指鹽梅
花前揮手迢迢去目斷霓旌不可陪

八月十四日夜玩月

猶欠一宵輪未滿紫霞紅襯碧雲端誰能喚得姮娥下
引向堂前子細看

寒食夜

紅染桃花雪壓梨。玲瓏雞子鬪羸時。今年不是明寒食。
暗地鞦韆別有期。

三月三十日程氏館餞杜十四歸京

江春今日盡程館。祖筵開我正南冠。繫君尋北路。回謀
身誠太拙。從宦苦無嫌。處困方明命。遭時不在才。踰年
長倚玉。連夜共銜杯。涸溜涸濡沫。餘光照死灰。行看漉
欲盡。敢憚酒相催。拍逐飛觥絕。香隨舞袖來。消梨拋五
徧。娑葛盡三臺。已許尊前倒。臨風淚莫頽。

酬張祕書因寄馬贈詩

丞相功高厭武名。牽將戰馬寄儒生。四蹄荀距藏雖盡。
六尺鬚頭見尚驚。減粟偷兒憎未飽。騎驢詩客罵先行。

勸君還却司空著莫遣衙參傍子城

戲酬副使中丞

寶

見示四韻

莫恨暫乘韉交游幾箇全眼明相見日肺病欲秋天五
馬虛盈櫪雙蛾浪滿船可憐俱老六無處用閑錢

贈柔之

窮冬到鄉國正歲別京華自恨風塵眼常看遠地花碧
幢還照曜紅粉莫咨嗟嫁得浮雲塔相隨即是家

修龜山魚池示衆僧

勸爾諸僧好護持不須垂釣引青絲雲山莫厭看經坐
便是浮生得道時

寄贈薛濤

植聞西蜀薛濤有辭辯及爲監察使蜀以御史推鞫難
得見焉嚴司空潛知其意每遣薛往泊登翰林以詩寄

之

錦江滑膩蛾眉秀，幻出文君與薛濤。
言語巧偷鸚鵡舌，文章分得鳳皇毛。
紛紛辭客多停筆，箇箇公卿欲夢刀。
別後相思隔煙水，菖蒲花發玉雲高。

贈劉採春

新粧巧樣畫雙蛾，謾裏常州透額羅。
正面偷勻光滑笏，緩行輕踏破紋波。
言辭雅措風流地，舉止低迴秀媚多。
更有惱人腸斷處，選詞能唱望夫歌。

即羅噴之曲也

醉題東武

役役行人事，紛紛碎簿書。
功夫兩衙盡，留滯七年餘。
病痛梅天發，親情海岸疎。
因循未歸得，不是憶鱸魚。

鱸魚

崔徽歌

崔徽河中府娼也。裴敬中以興元幕使蒲州與徽相從。累月敬中便遠在，以不得從爲恨，因而成疾。有邱夏善寫人形，徽托寫真寄敬中，曰：崔徽一日不及畫中人，且爲郎死發狂卒。 第八句缺。

崔徽本不是娼家，
教歌按舞娼家長。
使君知有不自由，
坐在頭時立在掌。
有客有客名邱夏，
善寫儀容得恣把。
爲徽持此謝敬中，
以死報郎爲

一字至七字詩

以題爲韻，同王起諸公送白居易分司東郡作。

茶

茶香葉嫩芽，
慕詩客愛僧家。
碾雕白玉羅織紅紗，
銚煎黃蘗色，
椀轉麴塵花。
夜後邀陪明月，
晨前命對朝霞。
洗盡古今人不倦，
將知醉後豈堪誇。

句

兒歌楊柳葉妾拂石榴花

口紀

松門待制應全遠藥樹

監搜可得知

文昌雜錄云唐宣政殿為正衙殿庭東西有四松松下待制官班之地舊儀猶存殿門外有藥樹監察御史監搜之位在此

制百官入宮殿門必搜監察所掌也至太和元年監搜如停

鬢峨峨高一尺門前立地看春

風

李娃行見許彥周詩話